

*image
not
available*

COMETARUM NATURA MOTUS ET ORIGO

Secundum duas hodie Celebriores

JOH. HEVELII & P. PETITI

Celeberrimorum Mathematicorum

Hypotheses

ita declarata,

ut non solum novissimi illius nostri,

Sed insigniorum aliorum quorumque,

quos anni 1677, 1665, 1664, 1661, 1652, 1647,

1618, 1607, 1590, 1585, 1580, 1577. & superiores

alii viderunt,

& historia & naturalis ratio gratâ quadam brevitate

exinde dignoscantur.

AUTHORE

JOH. CHRISTOPHORO STURMIO,

MATH. ET PHYS. P. P.

ALTDORFI

Typis Johannis Henrici Schönnerstadt,

VIRO

Maximè Reverendo, Amplissimo & Excellentissimo

DN.

DANIELI WÜLFFERO,

Ecclesiæ Christi ad Div. Laur. in
Urbe NORICA Antistiti Meritissimo,
Philosph. Theoret. in Auditorio Ægidiano ibidem Prof. Publ.
Celeberrimo,

nec non

SERENISSIMO PRINCIPI

AB OETTINGEN &c &c.

à Sanctioribus Consiliis,

Domino & Fautori suo Parentis instar Venerando,

Salutem & Observantiam

nuntiat plurimam

JOH. CHRISTOPHORUS STURMIUS.

T EI Pso non teste solum, VIR OBSERVANDE, sed Duce quoque fidelissimo, Philosophiæ Scholasticæ subtilitates ante hos annos quasi triginta pro tenuitate ingenii mei, non negligenter certè, sed (quod absque jactantia tamen dictum velim,) avidiore mente diu satis captavi; deinceps autem in alma Jenensi à ZEIDLERO meo, Philos. tum Magistro, nunc Theol. Doctore Publ. famigeratissimo ad ipsam fontium Aristotelicorum puritatem & Interpretum Græcorum Commentationes à Scholæ Latinæ Opinionibus frequenter dissentientissimas, fideliter manu ductus; ab EXCELLENTISSIMO nostro WEIGELIO porrò ibidem ad LEUCIPPI, DEMOCRITI & EPICURI obsoleta ferè, sed operâ Celeberrimi GASSENDI feliciter revocata, θεωρήματα, feliciter etiam invitatus; tandemque RENATI DESCARTES etiam ingeniosa plerumque in arcanis Naturæ detegendis ausa in Belgio pro virili rimatus; horum omnium, adversa licet in quamplurimis sentientium, Magistrorum meorum nulli me nihil debere tandem sensi & contra seculi morem æstimare cœpi singulos citra reliquorum contemptum, ac ita deferere nonnulla hujus aut illius statuta, ut ne cæterorum tamen ulli devoverem cœcum in omnibus obsequium: indies quippe magis magisque reipsâ expertus veritatem effati illius Aristotelici sub Alpha Min. principium, cedro profectò dignissimi: In illis nempe rebus quas non revelare hominibus, sed eorum sagacitati propria vestigandas relinquere placuit Summo NUMINI, μήτε ἀξίως μηδὲν δύνασθαι τυχεῖν τῆς ἀληθείας (universæ puta) μήτε πάντας διαποτυχεῖν, ἀλλ' ἕκαστον λέγειν τι περὶ τῆς φύσεως, καὶ καθ' ἓνα μὲν μηδὲν ἢ μικρὸν ἀπὸβάλλειν αὐτῇ ἐκ πάντων δεσυναστροζομένων γινεσθαι ἢ μέγας. Sic igitur Tuâ manu ductione primum deinde verò exemplo Tuo philosophatus hæcenus, cum inciderem nuper, occasione cœlitus oblata, in considerationem Cometarum specialiore, non potui non antiquum obtinere, ac missò ARISTOTE.

LE, de-

LE, desertoq; CARTESIO, & neglectis aliorum Opinionibus quam plurimis, HEVELII ac PETITII noviter excultis hypothefibus palam ita deferre, ut Antiquiorum tamen istorum cogitatis multum debere utrumque ne dissimularem, nec alterutrius placita cæco probarem assensu promiscuè omnia; cū scil. philosophandi liberè methodo, quam nec debita majoribus observantia, nec addecens juniores modestia debent recusare, & cujus tenendæ necessitatem aliquam humanæ sapientiæ imperfectio nobis imponit.

Vides igitur, VIR MAXIME-REVERENDE, Causam unam, cur hanc meam de Cometarum Natura Dissertatiunculam TIBI, nullis jurato partibus PHILOSOPHO, consecratam voluerim: Sed alia quoque subest & prægnantior. Dudum scilicet apud animum meum constitueram, id, quod in nostris oris notissimum est plerisque omnibus, aliis etiam aliquando profiteri publicè: TIBI, secundum DEUM & PATRONOS superiores, quos ipsos tamen Tuâ mihi operâ conciliatos agnosco plerosq;, me debere omnem illam felicitatem, quæ in animum meum mediocri sorte contentum cadere potuit. Quod equidem dum facio seriùs, hoc ipso, puto, comprobavi manifestius, acceptorum beneficiorum me non fuisse immemorem. Vale, FAUTOR OPTIME, & illorum remunerationem porrò cœlitus expecta certissimam.

*Dabam Altorfi d. 6. Maji
1681.*



DISSERTATIONIS

DE

NATVRA COMETARVM

CAPVT I.

Quod instar Praefaminis esse queat.

I.



Vandoquidem non solum indignum homine Philosopho reputarunt ævo quovis Viri doctissimi, ad Causam primam & vires supernaturales statim referre nova quæque & extraordinaria Phænomena insolitosque & minus vulgares effectus, antequam de reperiunda secunda naturali que desperandi manifesta subesset ratio; sed speciatim etiam Cometarum lumen a Sole manifestò mutuatum, eorumdem motus & communis & proprius, in futuros etiam dies horasque prædici hodie solitus, caudarum ad Solis oppositum ordinaria, indeque non minus indubiè ferè prænoscentia, directio, similiaque; (quæ præfens explicabit dissertatio) spuriorum istorum Planetarum accidentia, Naturæ legibus apprimè consentanea & adstricta evidentissimè observantur: in Astronomorum & Physicorum Scholis paucos certè olim hodieque reperias, qui non apparentiarum illarum naturales inquirere causas potius, quàm Deo immediatè operanti aut Angelorum ministerio rem omnem transcribere, satagant; utut insequentorum malorum aut causas indicesve naturales aut signa saltem divinitus ordinata Cometas crediderint antehac eorum non pauci, cæteris, ac

A

mo-

modernis præcipuè plerisque, ne hoc quidem concedentibus: quam equidem ipsorum litem hac vice nostram nullo modo facimus.

II. Atque ut Aristoteles olim, tametsi Cometicarum apparentiarum causas minimè omnium haberet perspectas & πει τῶν ἀφανῶν τῇ αἰσθησει crederet, ἡκανῶς ἀποδείχθαι κατὰ τὸν λόγον, εἰς τὸ δυνατὸν ἀπαγγέλλομεν (1. Meteor. c. VII.) non dubitavit tamen eas in naturalium Phenomenorum numero collocare: ita plerique omnes ferè hac ætate Philosophi, & hos inter Viri cordati ac pietate non minus quam eruditione spectatissimi quamplurimi, cum plenior indies abstrusorum olim rerum ipsorum sese oculis ingerat notitia, tanto minus ambigunt in corporum Naturalium censu habere Cometas, quantò plures observant à paucis retrò annis istorum proprietates à causis naturalibus manifestissimè pendentes.

III. Corpora verò Naturalia vocare cum usu jam receptum sit, non ea solum quæ à naturalibus causis successiva quadam materiæ mutatione de novo generantur, *Natura* adeò *opera* nobis alibi dicta; sed illa quoque, quæ, cum Naturam ordinata sui compositione nexuque constituent, uti Sol, Terra, Luna cæteraque illa Mundi totalia, à Natura produci nunquam potuerunt, *DEI* adeò *opera* primæva specialiter appellari merita: In duas inde sententias oppositas circa Cometarum originem olim hodieque pedibus iverunt Philosophi, ut, cum à Deo quidem illos immediatè productos ac de novo creatos existimandi causam ullam neutri invenirent, alteri tamen inter Opera Dei Mundo cœva & partes hujus universi perpetuas ac ordinarias, alteri verò inter opera Naturæ acres de novo, tametsi rarius, gigni rursumque interire modo planè naturali solitas, eos reposerint.

IV. Et quamvis negari non possit, hæc duo opinionum genera, cum primis autem posterius, in species hypotheseum quamplurimas ac diversissimas ævo quo vis, maximè in confinio superioris hujusque nostri, cum cœli potius quam aëris indigenas esse Cometas subolere cœpisset accuratioribus Astronomis, porro fuisse divisa, quas, obvias ubique apud Senecam, Aristotelcm &c. et pronuper à Ricciolo in Almagesto studiosius collectas, enumerare hic nihil attinet; hodie tamen, postquam & frequentiores & accuratiores Observationes earum plerarumque infirmitatem satis prodiderunt, celebriores dux tantùm ita eminent, ut Astronomicarum & Naturalium

lium rerum peritissimi quique alterutri harum suum adjiciant calculum.

V. Altera Cometarum corpus (altem pro Corpore Mundo coævo Planetarumque ordinariorum æmulo, novo quodam argumento habet, ab AVZUTO & PETIRO, Gallia Mathematicis. Celebratissimis, prænuper renovata, & à posteriore peculiari Dissertatione Regi Christianissimo dilucidè exposita: Altera verò caput & comam caudamque Cometæ ex effluviis Planetarum & Solis maximè in æthere fluidissimo coeuntibus gignit, à JOH. HEVELIO, Germanorum Astronomo incomparabili, noviter exculpta vastoque opere antehes annos duodecim comprehensa; utraque quæ in curiosorum plurium, Astronomiæ præsertim studiosorum, quibus isthæ recentiora & prolixiora scripta cum fructu evolvendi aut occasio aut tempus aut ingenium deest, notitiam veniat, dignissima.

VI. Quamobrem cum simile nuper adeo & præ multis aliis illustre Phænomenon ad utriusque hypotheleos examen de novo nos invitasset; id quidem commodius aut utilius institui non posse existimavimus, quam si consuetâ nobis methodo, Cometarum Phænomena primum & singulorum circumstantias notabiliores ex Observationibus fide dignis adnotaremus, dein utriusque hypotheleos capita primaria, ex quibus istorum causa ratioque petenda venit, fideliter ac dilucidè exponeremus, tandemque procul omni partium studio, utra Phænomenis respondere magis ac satis facere nobis videatur, quidve in alterutra vel utraque desiderari jure posse credamus, candidè & modèstè statueremus; eam equidem qualem unquam nostram *Finexxiv* non solum disquisitioni publicæ ex Academia-rum more, sed privatæ quoque doctiorum quorumvis discussioni, & speciatim ipsis examinandarum hypothesium Patrônis, Viris toto sapientum orbe Celebratissimis, eodem jure rursus judicandam, lubentes meritoque submissuri.

VII. Hæc omnia verò ut eò rectius, ac citra omne utriusque partis præjudiciū, fiant, in condenda Phænomenorum historia non alias quidem quam fide dignas, ut antè diximus, Observationes sequemur; eoque nomine, hoc loco quidem, non nisi eas dignabimur, quas à Viris Mathematicis Astronomiæ peritis, non solum biter ac fugitivo oculo, sed circumspèctè, notatis sedulo circumstantiis, attentoque adeo animo, factas esse novimus. Vulgares enim rumu-
Yculos & historicorum, hæc alia ex aliorum relato plerumque magis
quam

quàm experientia propria narrantium , fidem nullibi minus quàm in hoc Controversiarum genere, licet admittere ; quandoquidem, de solo hoc Cometa novissimo quàm varia , repugnantia atque etiam absurda , vel intra nostri territorii fines , narrata sint, in recenti adhuc habemus memoria.

II X. Et quando ipsi quoque superiorum Seculorum Philosophi ac Mathematici communem plerique fuerunt amplexi sententiam, quòd meteora aërea essent Cometæ ex halitibus Terræ siccis concreta, eosque adeò , tanquam res minoris momenti, neglectius plerique observârunt ; à TYCHONIS BRAHEI temporibus autem , cum sublimiore multò , inter ipsa cœlestia, tramite errones hosce extraordinarios incedere iusta incidisset suspicio, sollicitè magis attendi ad nova hæc spectacula cœptum est ; ideò TYCHONIS quoque laudatissimi & coætaneorum Astronomorum observata , in casu præsertim dubio, meritò anteferebantur antiquiorum relationibus ; tametsi nec has omninò spernemus , ubi narratæ rei circumstantiæ manifestò suaserint fallaciam sensus, in homine præsertim Astronomo & compertæ aliàs talia observandi peritiæ Viro , intervenire nullam potuisse. Cum primis autem successorum adhuc usque tempora nostra Mathematicorum celebriorum Observationes tantò majoris æstimabimus , quantò magis si ab instrumentis idoneis, à Telescopiis præsertim, quibus TYCHONIS ætate etiamnum carebant, instructi cominus quasi spectare potuerunt, quod alteris non nisi minus contueri datum erat.

IX. Hos inter autem cum ingeniosissimus HEVELIUS & Organorum apparatu sumptuosissimo (quem omnem cheu! si vera sunt quæ fama communis ad nos haut ita pridem detulit, incendio periisse Astrophilis omnibus dolendum est) & ista tractandi singulari dexteritate, & ardore in observandis nocte dieque cœlestibus flagrantissimo, parem sibi haut faciliè inveniat ; Ipsius etiam Observationes Cometicas , tot vigiliis ac tanto labore partas, locum hîc invenire vel inprimis decet : tametsi cum solertissimo PETRO intra committendus partis suspectæ mereri nomen videri posset , nisi ab ipso PETRO Dissertationis sur la Nature des Cometes p. 75. & 76. inter cætes omni exceptione majores hîc verbis esset admissus : *Il ne faut donc pas s'arrester indifferamment à toutes sortes d'Observations pour prendre un party, changer d'Opinion, & quitter ce qu'on trouve de plus raisonnable par d'autres qu'on estime bien faites. Il faut*

faut voir ceux qui ont plus de talens & de commoditez d'observer par le lieu & par les instrumens, & qui les savent encore bien manier & juger de leur fabrique & justesse; puis les croire plus que les autres dont on n'a pas ces connoissances. Et qui doute que les Observations qui nous viendront de Dantzick par les instrumens d'HEVELIUS, ou de Boulogne ou de Rome par ceux de CASSINI, ou du deffunt Marquis Malvasia, ou du P. RICCIOLI, ne soient incomparablement meilleures que toutes les nostres? h.e. Non est igitur cur indiscriminatim quis inhæreat Observationibus quibuscunque, accessurus ad partes alicujus, aut idèò mutet sententiam ac deferat id quod reperit rationi magis congruum per alias quas ritè peractas esse judicat. Illi videndi sunt, quibus est plus dexteritatis & commoditatis observandi tum loci tum organorum intuitu, & qui hæc insuper tractare decenter nòrunt eorumque fabricam & perfectionem dijudicare; & hisce postmodò plus fidendum est quam aliis de quibus hæc talia non constant. Et quis dubitet Observationes Dantiscanas instrumentis HEVELII peractas, aut Bononienfes aut Romanas per Cassinum, Marchionem Malvasia b.m. aut P. RICCIOLVM institutas incomparabiliter nostris omnibus esse meliores?

X. Præmissis igitur hisce, succinctam & curioso Lectori fortè non ingratam Cometarum nostra majorumque memoria celebriorum annis sc. post Christum natum 1531, 1533, 1577, 1580, 1585, 1590, 1607, 1618, 1647, 1652, 1661, 1664, 1665, 1677. Spectatorum, atque unà novissimi nostri, historiam Astronomicam ita condemus; ut post notatas pauculas generaliores apparentias, deinceps capitum primò sive Corporum Cometarum diversam faciem, secundo loco Caudarum varia Phænomena, ac tertio utrorumque junctim motus proprios & excursus plusquam Planeticos, bonà fide non enarremus inodò sed ipsis etiam oculis quodammodo ingeramus.

CAPVT II.

Cometarum præcipua Phænomena fideliter

enarrans; ac

1. Quidem Generalia.

PHENOMENON I. Illud primùm commune habent Cometæ cum astris extraordinariis fixis sive stellis Novis καὶ ἑξῆς sic dictis,

A 3

non

non apparere perpetuò , sed exoriri præter expectationem ac præscio ritè quidem nemine , deinde verò sensim iterum ex hominum conspectu sese subducere , futuræ disparitionis suæ tempus illorum sagacitatem amplius celare vix valentes, postquam ex ternis quibusque Cometæ noviter affulgentis Observationibus accuratoribus eâ quam infra docebimus Methodo, non viam tantum omnem quâ incessurus sit postea , sed motus ejus etiam in dies singulos , horum incrementa ac decrementa, tempus denique locumque effugituri observatorum oculos, hoc ævo feliciter audent Astronomi; pro ut vel edito nuperrimè circa novissimum Cometam à Clarissimo MONTANARIO, Prof. antehac Bononiensi, nunc Patavino, specimine luculenter constat; qui datâ sub ipsam apparitionis secundæ principium ad Clarissimum MAGLIABECHIVM epistolâ Cometæ sepulchri sui locum, quo ipsum indigitato pariter tempore, circa 7. Febr. St. N. paulatim vidimus expirare, sic satis feliciter assignavit hisce verbis: *Vedesi da questi moti , che la Cometa passerà vicina alla spada di Andromeda la sera de 18. Gennaro, di dove si porterà fra le stelle in bocca del Pesce Boreale, la sera de 21. e di là passando alquanto più Australe della Lucida del cingolo, frà li 22. e 23. di Gennajo; passerà poi verso quelle del Triangolo sul principio di Febrajo, e quivi con tardo moso poco più avanti prima d' arrivare alle stelle infermi sopra l' Ariete, andrà morendo.*

PHÆN. II. Quemadmodum autem frequentiores multò sunt Cometæ seu novi hi erronei, quàm stellæ novæ aliæ inter ordinarias fixæ, cum harum numerus recensente Ricciolo Lib. VIII. Sect. II. sub initium, ab omni hominum memoria ad præsens ævum usq; vicenarium nondum sit assequutus; illorum autem LAVATHERVS ab Augusto Imperatore ad annum Christi 1556. numeret 117. RicciolVS Lib. cit. Sect. I. c. IV. ab anno 480. ante Christum ad annum post ejus salutiferam nativitatem 1618. collegerit 154. ex historiis, HæVELIVS Lib. XII Cometographiæ & LYBNETZIVS in Theat. Comet: Parte II. à temporibus antediluvianis ad annum 1665. inclusivè, ille quidem 250. hic, undecunque studiosè conquisitis relationibus, 15. ultra 400. connumeraverint; ita vicissim Cometæ novis illis fixis esse minus durabiles vel primaria illa evincat, quam TYCHO BRAHEVS ab 11. Novembris 1572. ad Martium usque Mensem 1574. eodem cœli loco constanter observavit & cum Cometarum vix tres reperias qui in sextum usque mensem duraverint, illo

uno

uno excepto, quem, ante Hierosolymitanum excidium Josepho teste, anno toto conspectum, ex Cometarum genuinorum ordine cum Viris doctis bene multis, non sine causa excludit BRAHÆVS Tom. I. Progmhalm p. 330 & 626.

PHÆN. III. Atque ut specialia quædam ex Observationibus indubiis de Cometarum duratione adnotemus, ille quidem qui primus omnium accuratius à TYCHONE anno 1577. observatus est, à 13. (secundum nautarum Norwagorum indicium à 10.) Novembris ad 27. Januarii 1578. tres ferè menses continuos, is quem MICHAEL MOESTLINVS 1580. à 2. Octobris ad 12. Decembris diligenter est contemplatus, & cujus etiam meminit TYCHO in Epist. p. 143. dies minimum 71. perduravit (tot enim diebus à MOESTLINO conspectus est, incerto an & quamdiu ante vel post visus sit aliis) alius anno 1590. à TYCHONE rursus studiosè observatus & in Epist. Astron. lib. I. p. 176. &c. prolixè descriptus totam apparitionis suæ periodum dimidio mense terminavit; ille anni 1652. ab HEVELIO non nisi dies 21. à 20. Decemb. ad 10. Jan. sequentis potuit videri, tametsi GIESÆ & PADUÆ d. 18. Americanis, teste JOH. KÖNIG d. 15. Decemb. jamdum conspectus fuerat; proximum anni 1661. Idem HEVELIUS totis 53. diebus spectavit, & sequentem 1664. tres ferè menses continuos, alium autem 1677. non nisi dies 12. tametsi Telescopio sub finem anxie vestigatum, sub initium autem paulo citius fore detegendum si cœlû annuisset. Novissimus noster à 6. Novemb. 1680. in mensem usque Febr. 1681. sui conspectum extraxit; si tamen (quod nos existimamus, Clarissimus MONTANARIUS autem negat & fortè cum ipso alii) unus idemque fuit, quem manè primùm deinde verò Solitequam vespèri spectavimus. De famoso illo Cometa anni 1681. primario communis fama fert, quam Belgicus Annalium sui temporis compositor multum confirmavit, eum 30. diebus præcisè cœlitus affulsisse, manifesto sc. insequutori belli tricennalis augurio. Verùm enim verò, sive ex hoc ipso præjudicio, sive aliunde natus hic error fuerit, cum 50. dies & amplius Viris Astronomiæ peritissimis observatum esse certissimum est. Nos, inquit, BISSELIUS in Medulla Historica ad annum hunc, ostentum illud à Novembri vergente præsentis anni per continentem dein Decembrem conspeximus, in procurentem usq. subsequenti anni Januarium: GASSENDVS ejus locum d. 13. Jan. 1619. ultimum Radio dimensus est, cum d. 29. Novemb. 1618. publicè (aliquibus ali-

quor

quot dies antè) spectari cœperit : AMBROSIVS RHODIVS d. 20. Jan. SCHICKARDVS d. 18. ultimus omnium , quod sciamus, P. CYSATVS d. 22. Jan. eum adhuc viderunt, insequentis deinde per octo dies pluviis & nubilis, ita ut RICCIOLI calculo duraverit hic Cometa dies minimum 59. quorum singulorum Observationes (ne quicquam dubii superesse queat) à KEPLERO, CYSATO, LONGOMONTANO, SNELLI, HABRECHTO, RHODIO aliisq; factas, ab 28. Novemb. St. n. 1618. ad 21. Jan. 1619. usque, peculiari Tabella complexus est laudatus modò RICCIOLVS Almag. Nov. Lib. VIII. Sect. I. p. 20.

PHÆN. IV. Nempe non casu tantum accidit ut unis citius aut seriùs objiciatur hujusmodi cœleste spectaculum, sed etiam Horizontis diversi intuitu unius oculos incurrere potest, quod alios fugit vel attentissimos. Vtriusque exemplum habemus in novissimo nostro. Notavit illum Lipsiæ primum omnium DN. IHLEN Elect. Brandenb. Factoris industria, d. 6. Nov. St. V. matutinum, & pro ut fama novi Phænomeni citius aut seriùs ad alios delata est, aut cœlum cuique favit, ita Jenæ Nobilissimo nostro WEIGELIO, & Ventiis FRANCISCO BARZINI, d. 11. Argentorati JULIO REICHELTO, d. 16. Norimbergæ nostro EIMMARTO d. 18. Paduæ GEMINIANO MONTANARIO d. 19. nobis hic Aldorfii d. 23. demum ejusdem mensis, eum primâ vice contueri datum est; omnibus procul dubio sub primos illos dies statim observabilem, si rei novæ suspicio quædam fuisset aut cœlum ubique pariter serenum. Vespertinus autem redux WANGÆ in Norwegia d. 10. & 11. Decembris St. V. caudam suam tantum, 14. sequenti autem etiam caput ostendere cœpit, quod in his nostris oris insequentibus demum diebus emerit, cauda quoq; ante 15. diem ejus mensis nemini quidem nostrum, quod sciam, licet avidè expectantium insoliti Phænomeni regenerationem, observatâ; id quod non fortuitò tantum sed Horizontis diverso positu & elevatione poli variâ sic postulante factum faciliè perspicimus. Est autem notandum utrumque hoc adversus eorum præcipitem insuperficiofa præfagia temeritatem, qui quo cœli loco primum ipsi conspiciunt novum Cometam, ibi quoque natum illo die exortumque statim supponunt & erecto ad hunc nativitatis diem suppositum Cœlestium Thematì divinationes suas audacter superstruunt; quem errorem etiam nuperrimè quidam erravit circa matutinum nostrum, quem, cum inter Corvum & Spicam Virginis primâ vice conspexisset, quo loco ille anni 1664. primum effullerat, tanquam

lingu-

singularem suam Observationem & signum futurorum notabile in publicum pręproperę emisit, quod eodem loco egressi hic & ille, alter oppositā incedens viā, totum ita junctim Zodiacum essent peragraturi; cum falsum tamen esset totius Observationis fundamentum, & noster ille novissimus diu ante & procul ab isto loco, in ipso sc. Leonis Asterismo, deprehensus. Vbi nec illud involvendum silentio, quod hoc ævo Cometę, ubi conspectum inermis oculi jam effugere penitus, armato tamen & ope Telescopiorum quasi prolongato per complures adhuc dies plerumque soleant deprehendi; prout exemplis Cometarum 1661, & 1664, ab HEVELIO & PETITIO Observatorum, aliorumque plurium, abunde constat.

PHEN. V. Quemadmodum autem causas sufficientes nondum videmus (velut infra pluribus dicitur) cur nuperum illum mensis Novembris matutinum &, prout expectavimus, brevi temporis intervallo sequutum vespertinum, non pro uno eodemque sed pro duobus diversis habeamus; ita pluribus exemplis constat nos eodemq; nunc antegressos motu communi solem, in occasum protendisse caudam, nunc eundem sequutos in ortum eam convertisse; Vt enim antiquiores quosdam, ac speciatim illum 1472. à Regiomontano visum distincteq; descriptū nunc omittam, recenti adhuc observatur memoria ille anni 1664, qui manē primum d. 14 Decembris & seqq. ante solis exortum visus Favonium versus exporrexit (yrma 14. gr. longum, d. 28. erectum instar caudę Pavonis exhibuit, ab eo verò tempore in medium usque Februarium in ortum illud magis magisque convertit.

PHEN. VI. Quin etiam unum eundemque eadem die manē vespereque videri contigit, ita sc. positum ut (quod aliis quoque stellis accidit) mane oriretur ante solem ac vespere post ipsum occideret; quale quid non solum anno Christi 729. accidisse RICCIOLVS conjicit, sed HEVELIVS ipse in Cometa anni 1677. observavit, quem à 2. Maji sex diebus apparitionis residuis singulis tam manē quam vespere (prout equidem futurum esse ex ipsius conspectu primo statim judicaverat) suspectasse in Epist. ad amicum tum perscripta testatur: Et KEPLERVS de Cometa anni 1607, cum magna fuerit ejus latitudo septentrionalis, inquit, initio tam manē ante Solem, quam vespere post Solem visus est, in Physiol. Com. p. 115. Et huc pertinet aliquo modo illustris ille 1618, qui post 17. Decembris, Arcticum super-

gressus circulum, & post occalum & ante Solis exortum per nox supra Horizontem fulsit teste SNELLIO.

PHÆN. VII. Ex opposito verò duos etiam diversos, alterum manè, alterum vespèri anno 1214, in Scotia visos esse RICCIOLVS ex BOETII Hist. Scot. lib. 13. tradit: plures autem uno eodemque anno 1618, paucorum mensium intervallo in diversis cœli locis comparuisse, testes adducunt fide dignos RICCIOLVS, HEVELIUS, WENDELINVS, LYBENIECIUS aliique; quin horum duos, ante famolum illum memorati anni ultimum, unâ in Perside & India Orientali conspectos fuisse, GARCIA SILVÆ FIGVEROES Philippi III. Hisp. Regis in Persia Legati ad Marchionem Bedmarum, & P. JACOBI RHIO Goâ in Europam, tum missis literis edocemur.

PHÆN. VIII. Neque verò, quod crediderunt aliqui, unum anni tempus præ altero sibi vendicare has apparentias, historiam Cometarum RICCIOLI, HEVELII, LYBENIECII &c. evolenti, aut compendiosius HEVELIANÆ Cometographiæ in fine subjunctam Tabulam obiter percurrenti manifestissimum erit, nec ullus anno toto mensis obuius qui non aliquot Cometis fuerit natalis; tametsi hyemalium, ob longitudinem noctium & facilius & diutius in oculos quorumvis incurrentium, nonnulli fortè promptius quam aliorum recorderentur. Illud tamen certum est, non annum tantum sed & seculum unum præ altero spectris his esse obnoxium; quandoquidem e.g. superiori seculo ex historia LYBENIECII sexaginta Cometas attribuit iustus calculus, cum hoc nostrum ad partem sui quintam usque jam exactum ne quindecim quidem universim numeret: id quod iis, qui Cometas Iræ DEI vindicis signa divinitus constituta credunt, expendendum fortè non immerito quis objiciat; sed, quod supra præmonitum, eam controversiam ab instituto præsentī prorsus excludimus.

PHÆN. IX. Quod ab Astrologis pridem suppositum HEVELIUS Lib. VII. Cometographiæ p. 426. exemplis quibusdam confirmat, Cometas plures anno uno vel altero Conjunctiones ♄, ♀, & ☿, magnas, vel plurium saltem Planetarum in eodem signo congressus aut antecedente aut consequente, natos esse; idem novissimus ille noster exemplo novo comprobaret, quando sub finem anni 1680, & insequentis hujus 1681, principium comparuit, Jove jam iterum conjunctioni cum ♄ magnæ, Octobri mense 1682, in signo ♎ futura, paulatim imminente; tamen negligendum non est, quod
idem

idem HEVELIUS, eadem experiētiā teste adnotavit, uti nec omni
māgnarum aliarumque Conjunctionum tempore Cometæ prodie-
rint; ita plurium etiam nativitatem ab istis magno intervallo ab-
fuisse.

PHÆN. X. Vnicum adhuc superest quod generatim hic note-
mus, uti Cometæ plerumque vel antecedunt manē Solem orien-
tem & postmodum ipso exorto cum stellis cæteris occultantur,
aut occidentem ocyus seriusve sequuti post ipsum in conspectu
nostro occidunt; aliqui etiam, quod PHÆN. VI. notavimus,
utrumque faciunt; ita nonnullos ab occasu Solis ad alterum ejus ex-
ortum usq; pernoctēs affallisse, postquam sc. ad polū septentriona-
lem evagatos longius inter apparitionis perpetuæ stellas nume-
rari contigit; quales e. g. fuerunt is quē APPIANVS anno 1333
observavit, ac celebrior ille 1618. sub ultimos saltem apparitionis
dies, post diē sc. 17. Decemb. adnotante WILLEBRORDO SNELLIO
in Descript. hujus Cometæ. Quod si ROCKENBACHIO & ECKSTOR-
mio eventuum & effectuum tristium Cometis accommodandorum
quā circumstantiarum apparitionis circumspectē colligendarum,
studioloribus fidem habere per legem nobis superius fixam posse-
mus, annis Christi 363, & 367; interdiu quoque cœloque sereno vi-
sos esse Cometās dicendum esset. Sed quāvis frequenter ad Au-
thores undē hęc talia hauserunt Lectorem suū amandent, ac ipsa
res impossibilitatis nihil involvat, quandoquidem non ♀ tantum
aliquando juxta Solem videri oculati testes sumus, sed TYCHO BRA-
HEVS etiam caput saltem Cometæ sui anno 1577. nondum occaso
Sole conspexit; haut rarò tamen eos temerē satis quædam enar-
rare vel primi omnium, quem nobis obtrudunt, antediluviani Co-
metæ exemplo manifestum est; quē ECKSTORMIUS, ex HERLICIO
quidem, (sed quo quæso fundamento vel indicio vel testimonio, cum
nullum habeamus antiquiorem Mose scriptorem qui Cometam il-
lum potuisset annotare & ad posteros ejus propagare notitiā?)
29. dierum spatio omnia Zodiaci signa perlustrasse & primū in pisci-
bus sub Jove apparuisse scribit, ROCKENBACHIVS autem (risum te-
neatis Amici!) triduo ante obitum Mathusalem à toto terrarum orbe
conspectum, d. 16. Aprilis rursus evanuisse audacissimē
superaddit.

II. Caputum sive Nucleorum Cometicorum

Phænomena.

PHÆN. XI. Crinitorum siderum pars primaria *Caput* appellatur & *Stella*, oculo inermi quippe solitam ac radiosam stellarum faciem, sub varia quidem magnitudine, plerumque obijciens; adeo quidem ut nunc fixam primæ magnitudinis, uti novissima nostra, vel secundæ, vel tertiæ &c. Nunc $\frac{1}{2}$ aut $\frac{1}{4}$ æmulari videatur, ut in Cometa TYCHONIS 1577, & illo 1607, nunc etiam superare hos Planetas & Lunam ipsam æquiparare, ut in eo quem anno 1652, d. 20. Decemb. St. N. HEVELIUS, & d. 21. WENDELINUS observarunt.

PHÆN. XII. Quemadmodum autem oculo nudo stellarum speciem plerumque mentiuntur; ita faciem prorsus aliam per Telescopia spectati exhibent, quàm vel fixæ vel Planeticæ ordinariæ, prout denuperrimo nostro testabuntur, quotquot nobiscum in eundem primum, deinde in $\frac{1}{2}$ aut vicinam $\frac{1}{4}$ & in Aquilæ Lyræque lucidas Telescopium direxerunt; Prunam enim obscurius candentem aut massam interminatâ tristi ac fumido quasi lumine, in medio paulò magis ad extrema minùs, collustratam potius, quàm stellæ discum rotundum ac vividâ luce coruscantem, vidisse nos est dicendum. Et quamvis aliquando vividiori lumine resplendeant, uti constat de eo quem CORNELIUS GEMMA æquè ac TYCHO contemplatus est anno 1577, & qui 1665. Aprili mense HEVELIO aliisque visus est per Telescopium satis rotundus ac lucidissimus; ut plurimum tamen lugubri facie conspiciuntur eodem HEVELIO & experientiâ multiplici teste, & frequenter ambitu lacero aliquantum ac minùs rotundo. Sic famosus ille 1618, infernè, quâ Solem respiciebat, satis exquisitè rotundus, at supernè, quâ ipsi cauda adhærebat, inæquabilis ac veluti crispatus observatus KEPLERO GASSENDQ; fuit, aliumque HEVELIUS anno 1661, sub initium quidem Febr. satis rotundum, at sub Martii principium ac deinceps circumcirca lacerum, pariterque illius anni 1664, asperam laceramque rotunditatem d. 22. Jan. cuspidibus hinc inde leviter eminentibus,prehendit.

PHÆN. XIII. Illud verò multò etiam notabilius est, quod ejusdem Telescopii beneficio hoc demum ævo innotuit; esse nimirum Cometarum plerorumque capita mutationibus & alterationibus evidentissimis obnoxia. Primum omnium hoc observatum est in Cometa primario anni 1618. à JOH. BAPTISTA CYSATO, qui cùm istum
Tele-

Telescopio gemino, altero 6, altero 10, pedes longo d. 1. & 4. Decemb. diu satis esset contemplatus, uno tum rotundo nucleo sive meditullio, & luce continuâ quidem sed minus fulgidâ, circumfusâque insuper rariore quodam & pallidiorè lumine conspicuum; insequente d. 8. Decemb. non auctiorem tantum neo amplius rotundum, sed in ternos aut quaternos irregularis figuræ globulos, adhuc tamen coherentes, diffusum, d. 17, 18, & seqq. autem in stellulas complures ex interfuso lumine obscurissimo promicantes dissolutum, ambituque & apparente diametro porro notabiliter indices augescerent spectavit; prout ad vivum omnia delineata spectare licet Iconismi A Fig. I. Simili planè facie CHRISTOPHORVS SCHEINERVS Oeniponti hunc eundem Cometam observavit, uti legere est in ROSA VRSINA Lib. IV, part. II. c. 13. p. 612. & GOTTFREDVS WENDELINVS in Teratol. Cometica p. 21. *Caput ipsum Cometa, inquit, cum illud primum Telescopio exploravi die 29. Novembris, deprehendi velut ingentis foci luculentas tres aut quatuor prunas — Et quidem istas in coram me immutare non nihil situm; — ac sequentibus diebus plures mihi pruna conspecta sunt &c.* Quo pacto verò in Cometa anni 1652, non HEVELIVS tantum sed & BVLLIALDV8 aliiqve, in aliis annorum 1661, & 1664, atque adeò in plerisque hujus ævi (excepto eo qui mense Aprili 1665, uno solido rotundo, lucidissimo fereque immutato nucleo per integros 14. dies spectatus est) idem HEVELIVS diversos subinde, situm ac magnitudinem etiam figuramque variantes notaverit nucleos, & hos paulatim, crescente interim totius capitis mole, decrescentes, tandemque penitus rarefcentes; non tam verbis quam expressis Observationum imaginibus ex ipsis Cometographia huc translatis eadem Figura I. docere volumus; id unum saltem monentes, lucidiores Cometicæ vultus nucleos partesque nos partibus reliquis rarioribus albicantiores reliquisse in picturis nostris, cum Vir laudatissimus oppositum, aliò consilio (quod videri potest Cometogr. Lib. VII. p. 413.) observaverit.

PHÆN. XIV. Ex iisdem verò Schematismis illud etiam advertendum probè est, quòd, etsi sæpius Cometicarum stellarum apprens etiam per Telescopia magnitudo unâ cum ipforum motu & lumine decreseat, eo sc. tempore quo, consentiente utraque hypothesi in frâ committendarum, a Terra magis elongantur, prout in Cometa anni 1652, factum est, aliquando tamen, ut in Cometa anni 1618, contrâ contigerit; ampliore sc. indices reddita disci Cometicæ Tele-

scopio spectati (contrarium accidisse in visione liberâ dicit Cysatvs) tum apparenter tum reipsâ quoque diametro; id quod equidem ex Observationibus Cysati luculenter demonstrat HEVELIUS Cometo-gr. Lib. VII. p. 346. unâ & illud ex propriis evincere conatus, Cometam 1652, ut appararenter decrevit quò magis à claritate, defecit, ita revera tamen continuo crevisse ejus diametrum & amplitudinem.

PHÆN. XV. Vti colore variat Cometarum diversorum obscurius lumen, ad imitationem quasi Planetarum ordinariorum, dum e.g. nonnullorum fulgor cæteris vividior colorem aureum ac Solarem præ sefert, ut ille pronuperus 1665, & quos anni 1264, & 1521, & olim ætate Michridatis 122, ante C.N. viderunt; aliqui rutili & rubicundi Martem æmulantur, qua facie ex relatu quorundam ille martiali nomine famosior anni 1618, post alios plures annorum 1526, 1554, 1556, &c. conspectus est: quidam argenteum nitorem mentiuntur adinstar ♀ vel ♄, qualem annus 1463, ostendisse terris narratur ac tertius ille anno 1618, à Garcia in Perside visus; plurimi denique pallido & Saturnino vultu terras intuentur, quos inter, post alios hujus ævi, anni puta 1607, & 1652, & superiorum seculorum complures, annorum nempe 1561, 1590, 1585, 1589, 1569, 1558, 1240, &c. novissimum quoque nostrum omni jure reponimus; ita mutari quoque sæpius inter trajicendum unius ejusdemque colores à lynceis illarum formarum spectatoribus observatum est, & hinc fortè inter causas cæteras, enata narrationum circa unum eundemque Cometam diversitas; cum e.g. memoratum jam sæpius anni 1618, rutilo colore SNELLIUS, instar trium aut quatuor prunarum igne valido accensarum WENDELINUS, LONGOMONTANUS medio inter Martem & spicam virginis colore, Cysatvs contrâ lumen ejus obtusum & pallidum minimeque accensum, GASSENDUS colorem subpallidum &c. spectasse se testantur.

PHÆN. XVI. Commemorari hoc loco quoque posset id quod ex Observationibus Cometarum a TYCHONIS ævo usque constanter indubioque calculo deduxerunt Astronemi, quotquot ab eo tempore visi sunt omnes, aut caruisse prorsus omni parallaxi sensibili, aut Lunari saltem multò minorem habuisse, atque adeò supra Lunam in aura æthereâ motus suos exercuisse; id quod vel horum perpetuam cum astrorum ordinariorum communi motu connexionem ex ipsis Aristotelis principiis inferre credidit FORTYNIUS LYCETVS Lib. VI. c. 31. de novis Astris & Cometis. Verùm cum hæc res altioris

tioris sit idaginis & cavillari facile quis cum RICHOLDO posset Observationes ipsas ac dimensiones instrumentorum ope factas, harum rerum præsertim non satis gnarus; ad duas saltem hic provocabimus Observationes vulgatiores & oculis cujusque facile obvias: *Prima* est motus proprii tarditas Lunari major in plerisque Cometis perpetuò (ut in novissimo nostro) in cæteris paucissimis, qui die uno aut altero lunâ velocius ingressi narrantur, saltem prioribus & postremis apparitionis diebus. Quemadmodum autem Aristoteles, Lib. 1. Meteor. cap. IV. sub finem de stellis trajicientibus ac cæteris ignitis meteoris rectissime infert, πάντα δὲ κατὰ σελήνης ταῦτα γίνεσθαι, *hæc omnia sub Luna fieri*, σημῶν δὲ περgens, ἡ φαινομένη αὐτῶν ταχύτης, ὁμοία εἶσα τοῖς ὑφ' ἡμῶν ῥιπτομένοις, ἀδία το πλησίον εἶναι ἡμῶν, πολὺ δεκά τῷ τάχει ἀλλοτρίαν εἶναι τε καὶ ἥλιον καὶ σελήνην h.c. *Indicio vero ipsorum est celeritas, similis existens illi qua à nobis projiciuntur & quia prope nos sunt multum videntur superare velocitate astra & Solem & Lunam*; ita nos oppositâ ratione de Cometarum apparitionibus concludimus, πάντα ταῦτα ἀνω σελήνης γίνεσθαι σημῶν δὲ ἡ φαινομένη αὐτῶν βραδύτης &c. *Secunda Observatio*, citra instrumentorum apparatus ac nudis oculis facta, non semel docuit Cometas eo tempore quo motu proprio ferebantur tardissimo in sublimi primùm cum duabus aut pluribus fixis in eadem recta linea conspectos eandem postea horizonti vicinis absque sensibili mutatione servasse; id quod HEVELIUS in Cometa anni 1652, d. 26. Decemb. PERTITVS in illo 1664, aliquoties sedulò notârunt; qua de re ille Lib. VII. Cometogr. p. 140 & seqq. hic Dissertat. suæ p. 286, fusiùs legi possunt; id verò futurum nunquam fuisse, nisi multis parafangis à Terris remoti & longè supra Mundum elementarem elevati fuissent, luculentissimè demonstrat allegato loco HEVELIUS.

PHEN. XVII. Illud potius hoc loco est adhuc commemorandum, uti Cometæ plerique omnes circa medium caput ac lucidiorum nucleum atmosphæram quandam seu capillitium quasi quoddam obtusiorè lumine conspicuum undiquaque diffusum, indeque Cometarum etiam nomen, habent; ita quosdam hac sola suâ comâ contentos aliquandiu saltem absque omni alia appendice spectandos sese objecisse, qualis erat ille quem TYCHO BRAHE anno 1585, d. 18 Octob. & seqq. objectum sibi pariter ac ROTHMANNO Landtgravii Hassiæ Mathematico Epist. Astron. p. 13. descripsit: alios ple-

ROS-

rosque autem ex una parte magis quam ex aliis exporrigere illam appendicem, vel deorium instar barbæ demissam, vel elatam aut à tergo instar caudæ tractam; ut hoc pactò Cometarum universim omnium aut duo tantum genera, *Crinitorum* sc. & *Barbatorum* sive *Caudatorum* cum HEVELIO, aut, caudatos à barbatis porro distinguendo, tria cum aliis, possimus statuere, ad quæ non Plinii tantum decem species sed alias quascunque, ex imaginatione plebeja plebique variè denominatas, reducere facile licebit; dummodo de formis istis externis sive capitum sive caudarum fide digna hominum non superstitionum testimonia suppetant. Earum enim, quas nobis HEVELIUS Lib. VIII. Cometogr. ad p. 446. & antecedd. ex historia antiqua depingit, non paucas jure suspectas videri vel indejudicabitur, quod à TYCHONIS ævo, ex quo curiosius observari Cometæ à Mathematicis cœperunt, id genus nihil ipsis occurrerit, etiamsi, quàm prona sit in fingendas sibi formas ejusmodi prodigiosas hodie quoque plebecula supersticiosa, vel nuperrimo nobis exemplo constat, quo cruciformem ipso primo apparitionis secundæ vespere Cometam nostrum ab adstantibus quibusdam ominosè describi & prædicari, cum tenuis quædam nubecula ejus caudam fortuito trajiceret, his nostris auribus percepimus.

III. Caudarum Cometicarum Phenomena.

PHÆN. XVIII. Nos interim istorum Syrmatum indubias hic annotaturi varietates & apparentias, ei quidem primum omni jure tribuimus locum, quod in partem Soli obversam ea semper exporrigi constans ac perpetua à PETRI APPIANI Cæsaris Mathematici, qui primus hoc in quinque Cometis ævi sui, annorum sc. 1531, 1532, 1533, 1538, & 1539,prehendit, temporibus testetur observatio; ita quidem ut non solum ex observato hac vel illa nocte Cometæ positu, si in superficie globi artificialis ab asterismo quopiam quem cauda attigit, per eum locum, quem Cometæ caput occupavit, quadrans verticalis in eclipticam protendatur, ipsum illum, quem eo die obtinuit, Solis locum ostendat; sed & vicissim, postquam ex una alteraque observatione de motûs proprii velocitate aut tarditate constiterit, in futuras etiam noctes, applicato Solis loco in ecliptica & Cometæ præsumptivo inter vicinas fixas eodem quadrante, caudæ positum, inter quas stellas & ad quem asterismum sese sit exporrectura, prædicere liceat: id quod circa novissimum nostrum
fre-

frequenter à nobis factum est, & feliciter. Dissimulari tamen non debet, aliqualem haut rarò inclinationem aut deviationem caudæ ab omnimoda illa rectitudine Lynceis & accurato calculo omnia subducentibus notatam esse, TYCHONI quidem in Cometa 1577. HEVELIO in illo 1652. aliisque, prout pluribus videre licet peculiarem hac de re Tabulam in Cometogr. Lib. VIII. p. 488. ac variatæ deviationem illam non solum in diversis Cometis, ut in aliis major in aliis minor in aliis nulla in uno australis in alio borealis sit, sed has omnes varietates in unius ejusdemque cauda successivè posse occurrere; prout ex alleg. loco, exemplo præsertim Cometæ 1652. dilucidè constat.

PHÆN. XIX. Variant autem admodum etiam apparente longitudine ac latitudine hæc appendices, tum in diversis Cometis, tum in uno eodemque diversis temporibus; prout recenti adhuc memoria tenemus novissimi nostri caudam in apparitione prima matutina circa 20. Novembr. gracilem satis & ad summum 20. gradus longam, sub initium autem apparitionis alterius vespertinæ stupenda plusquam 60. graduum longitudine & plusquam duorum ac trium gr. latitudine per aliquot noctes conspicuam, deinceps autem indies ferè magis magisque decrecentem. Aliorum verò exemplis etiam ut hæc res illustretur, omisissis equidem antiquissimis illis ARISTOTELIS ac JUSTINI, quorum caudas in tertiam & quartam cœli partem protensas narrant, ille certè famosior anni 1618. uti multum variavit, ita certo tempore nostrum caudæ longitudine superavit, quandoquidem d. 26. Novemb. MÜLLERO 90. gr. d. 9. Decemb. CYSATO circiter 75. d. 10. ejusdem LONGOMONTANO 104. graduum deprehensa fuit; cum anni 1264. Cometam ab Oriente ad medium usque cœlum occidentem versus protraxisse comam perlucidam ex antiquo Chron. Belg. & Hist. Eccl. constet, & quem PONTANUS anno 1456. notavit 60 ulnas, aliusque 1460. ulnas solongus fuerit; binis e contra istis anni 1531. & 1533. APPIANO visis vix ad 15. TYCHONICO anni 1577. ad 25. gr. extensis, altero verò anni 1585. solis 20. & 22. Octob. diebus exile quoddam vestigium tenelli radioli vix spithamæ longitudine, ostendente, quemadmodum anno 1652. d. 18. Decem. Cometicæ caudæ longitudo non nisi 1 $\frac{1}{2}$ gr. HILARIO SPINELLO & D. CHRISTIANI visa est.

PHÆN. XX. Ubi hæc etiam circumstantia probè notanda est, Cometas propriè dictos h. e. crinitos tantum & cauda barbave-

C

stitu-

stitutos à Sole ut plurimum maximè distare deprehensos esse, prout certè TYCHONIS ille anno 1585. in lino piscis australis adeoque in signo V haut procul ecliptica conspectus est, Sole tùm in prioribus in gradibus versante; atque ut hic in consequentia more solito progrediebatur, ita similiter ille delatus in consequentia ad arietis Taurique constellationem, oppositionis pristinam rationem constanter tenuit. Econtrà verò novissimus noster, eique similes alii anteriorum 1264, 1618. &c. ingenti cauda conspecti, Soli vel occidenti vel orienti vicini & propiores fuere.

PHÆN. XXI. Et vespertini nostri quidè, aliorumque benemulorum, anni 1618, 1647, 1661, 1664. 1665. &c. Cometarum caudæ prope caput compressiores, deinceps quò longiores eò latiores, fuerunt; illa verò Cometæ anni 1652. aliæque similia 1558. & 1577. circa 15. Novemb. ac plerique serè sub apparitionis finem saltem (teste HEVELIO Cometogr. Lib. VIII. p. 450.) à lato principio in mucronem tenuissimum acuebantur; utræque de cœtero prope caput sive nucleum densiori plerumque, sub finem rariore ac dilutiori, lumine resplendentes. Quo loco & illa varietas haut incongruè notabitur, quòd nuperi nostri caudam ab extremitate principium versus aliquo usque quasi fissam per medium ac lineâ nigricante distinctam vidimus; quemadmodum ex opposito per mediam caudæ longitudinem Cometæ anni 1618. d. 30. Decemb. exire claram & evidentem lineam vidit Romæ P. HORATIUS CRASSUS.

PHÆN. XXII. Multiplicem illam Cometicarum caudarum varietatem illa quoque notabilis apparentia comprobatur, quâ incurvari illas haut rarò plus minusve circa extrema contigit; id quod TYCHO BRACHÆUS in suo Cometa anni 1577. CYSATUS in illo anni 1618. non semel observârunt, novissime in ultimo nostro quoque circa dies apparitionis postremos, leviculo saltem inflexionis principio notato à curiosioribus. Neque verò convexa semper inflexionis facies ad verticem respicit ut in illa TYCHONIS observatione, sed etiam concava nonnunquam; & ipsa curvitas ad gradum dimidium, integrum & amplius deflectit, subinde etiam ad omnimodam rectitudinem revertens &c.

PHÆN. XXIII. Admirandum adhuc magis phænomenon obtulerunt Caudæ Cometarum, annorum 1556, 1607. 1618. &c. ita fluctuantes ac vibrantes, ut aliquando recentes quasi radios exspuerent, nunc subito brevior facta cauda, mox uno nictu oculi alternâ

radio-

radiatorum ejaculatione longior iterum evaderet, nonnunquam & extremitas caudæ multum dilataretur & scoparum instar spargere-
tur &c. nec æqualiter tamen hæc diebus singulis, at sereno interim
cælo & stellis etiam vicinis immutato vultu conspicuis; prout hujus
rei testes oculatos CARDANUM, KEPLERUM, CYSATUM, WENDELINUM
ac SUELLIUM adducit HEVELIUS Lib. VIII. Cometogr. p. 509.

PHÆN. XXIV. Neque silentio involvendæ sunt observationes
singulares CORNELII GEMMÆ circa Cometam anni 1577. & CHRIS-
TOPHORI ROTHMANNI generaliter saltem adnotata Epist. ad TY-
CHONEM p. 126. Ille namque in opusculo de Cometa prædicto p. 20.
non solum arcuatam sursum caudæ figuram confirmat, sed etiam d.
28. Novemb. alterum quoque ramum ab eadem cervice deorsum
fluentem, caudamque adeo duplicem complures ita dies persisten-
tem, ac 3. Decemb. repente tres radios, velut igneas hastas vibratos,
unum obliquius, alterum perpendiculariter deorsum, ac tertium
transversim ad angulos veluti rectos &c. non sibi tantum sed multis
aliis qui tunc attentius observassent, inspectos testatur. Hic au-
tem allegato loco TYCHONI tanquam indubium quid & compertum
objicit, *quod cauda Cometarum sit dispersa, nec radii ejus continen-
tur, sed inter dum longè post caput abruptè apparere incipiunt*; adsti-
pulante sic FORTUNIO LYCETO Lib. I. cap. 7. & Lib. II. cap. 75. *Non-
nullis Cometis cauda visa est abrupta in plures partes*; Prout hæc &
superiora Fig. II. ICONISMI A. distinctius oculis ipsis exponit.

PHÆN. XXV. Aliquando Cometarum Soli vicinorum ingens
cauda instar trabis aut columnæ igneæ erigitur, latente capite sive
stellâ: id quod multoties in compluribus, nominatim anno 1618.
à 18. ad 20. Novembris, paulò ante Cometam illum illustrem ejus-
dem anni, passim in Europa, & nuperrimè circa nostrum d. 10. De-
cemb. & seqq. Wangæ in Norwegia, ac die 11. Jenæ observatum
est, imò nobis quoque frequenter objectum idem spectaculum, post-
quam Cometæ caput, antea tamen inspectum, sub Horizontem
occiduum descendisset.

PHÆN. XXVII. Generalissimè tandem & illud monendum est,
imò ex enarratis manifestum, cometas singulos ab aliis omnibus aut
capitis aut caudæ figurâ, magnitudine, splendore, colore, ita differ-
re, ut ex magno ipsorum numero haut facile duos reperias tibi satis
similes secundum omnia; quin neque sibi ipsi similis prorsus unus-
idemque per notabile temporis intervallum permanet, subinde

sensibili quadam mutatione attentiorum oculis sese ingerente: cuius rei specimina cumpluria vel nuperrimus ille noster in singulas ferè noctes edidit. Etenim cum Celeberrimus noster WEIGELIUS hunc ipsum Jenzæ d. 11. Decemb. in apicem extenuatum adinstar hastæ viderit, quem nos cum ipso postmodum, & ante ipsum SUERDRIUS in Norwegia latiore semper versus extremitatem caudæ conspeximus; cum item Nobilissimus MONTANARIUS ejusdem, aut ex ipsius mente prioris, matutini caudam acuminatam semper observâret, quæ nobis aliisque in Germania aut parallelis terminatâ lineis, aut compressior prope caput est visa; hujus equidem differentiz causa in aëris vaporosi diversitate aut alio externo accidente quam in reali Cometarum mutatione, rectius fortè quæsierimus.

PHÆN. XXVI. Coloribus Cometarum caudæ non minùs ac ipsa capita variant; quandoquidem novissimus noster albicante & pallidâ sed clarâ tamen ut plurimum (vix semel atq; iterum circa nucleû rutilante & ignita magis) ille 1652. subalbâ quoq; at obcuriore, celebrior anni 1618. circa caput igneâ rutilaq; & sub finem pallidâ & albicante, alius anni 1607. WENDELINO instar hastæ ignitæ aut gladii flammantis, TYCHONICVS anno 1577. sanguineo pene colore imbutâ &c. conspiciendos se præbuerunt.

VI. Motuum Cometicorum Phenomena.

PHÆN. XXVIII. Uti cœteris astris ordinariis duplicem attribueretur motum visus cogitur, ita pariter in Cometis utrumque evidenter advertit; & communem quidem primûm ab ortu in occasum circa terram dietim absolvendum, oriendo, culminando, occidendo &c. quî motus equidem sive apparenter saltem astris compestat è telluris diurnâ vertigine, quæ aërem nubesque & meteora cœtera evidentissimè secum raperet (aliàs enim omnia motum illum communem participarent) reverà pendens, sive reapse astris, ab ætheris rapidissimo vertice circumductis, insit, evidentissimè Cometas genuinos ex aërea regione in ætheream sublevare & alia quæ vis phænomena externam illorum formam utcunq; æmulantia, quæ motu hoc communi circa terram destituuntur, pro spuriiis & meteoris in aëre sive naturaliter sive prodigiosè accensis habere jubet.

PHÆN. XXIX. Præter illum communem autem etiam proprio instar planetarum feruntur omnes, & illo quidem adpectu primo magis

magis erratico & vagabundo quam Planetæ ordinarij, siquidem ab Ecliptica longius in austrum & Septentrionem evagantur; revera tamen (quod indies nunc evidentius dispalescit) non adeo irregulari quin ad certas leges, perinde fere ut illi, adstringi, redigi in Ephemerides ac in futurum etiam prædici jam occurrerit; prout in 1. Phæn. superius ejus rei fecimus indicium. Ita profecto Cometæ nuperrimi vespertini motus proprius ex asterismo Antinoi versus pegasum, Andromedam, Triangulum, adeo regularis fuit, ut loca ejus ex distantis rite captis in globis quotidie notata circuli maximi portionem accuratè satis designarent, eaque hypothetici nixi eadem in diem quemque proximum, etiam citra calculum, indicare haut infeliciter potuerimus: De pronupero annorum 1664, & 1665, res apud Astronomos in confesso est ejusque cursus sub circulo pariter maximo à Nobilissimo PETITO magnâ curâ delineatus: Idem testatur ex Observationibus propriis de hoc eodem & antecedente anni 1652. HEVELIUS: idem de ultimo 1618. KEPLERUS, WENDELINUS; idem de Cometa 1607, laudatus modò KEPLERUS & LONGOMONTANUS: idem cum primis de illis annorum 1590, 1585, & 1577. TYCHO BRAHEUS & scilicet de aliis.

PHEN. XXX. Cum grano salis tamen hæc accipienda sunt ac circulum penè maximum in cælo descripsisse plerosque Cometæ ita asserendum est, ut ne dissimulemus tamen aliquos, sub finem sui cursus in primis, plus minus ab illa rectitudine deviâsse; ac de paucis dici posse, quod de illo anni 1590. ad Hassiæ Landgravium Episc. Astron. p. 176. scripsit TYCHO, *cum motu suo proprio arcum circuli maximi ad amassim designasse, ita ut nihil prorsus ab hoc, eis vel ultra totò durationis tempore deviâris, & de priore 1577. Lib. II. Progymnasm. p. 92. cum motu sibi proprio, ab initio sua apparitionis usque, ad finem ultimum exquisitissimè portionem circuli in sphaera maximi designasse*; imò ne de hisce quidem hæc talia scripturum fuisse TYCHONEM, si tale quid præsumendi occasionem ullam habuisset, ex ipsis TYCHONIS Observationibus demonstrat HEVELIUS Cometogr. lib. 1. p. 114. & seqq. Certè promperum illum anni 1664. postquam à 21. Decembris ad Febr. usque sequentis anni 1665. sub eodem circulo maximo continuè pertexisset ab occatu in ortum, deinceps ab eo notabiliter deflexisse fateri PETITUM propriæ coegerunt Observationes Dissert. p. 302. HEVELIO quoque promptè ad stipulante: Et KEPLERUS in Physiol. Comet. p. 115. de suo anni 1607. *Scripsit a per*

quam delatus fuit, inquit, quàm proximè circulus magnus ex his terris apparuit, ultimus tamen diebus vehementer incurvabatur versùs Eclipticam: Idem fatentur de Cometa anni 1618. WENDLINVS & CYSATVS, de illo 1652. imprimis autem de proximè sequente anni 1661. HEVELIVS, & posterioris quidem orbitam, neutiquam sectionem alicujus magni circuli sed lineam omnino incurvatam vel potius Conicam à veri circuli tramite brevissimo itineris spatio ad 25. vel 26. propemodum gradus, exemplo inaudito, deflexam, non restatur tantum sed graphice depingit Lib. X. Cometogr. p. 720. & 742. Quod si, quem mane nuper mense Novemb. & quem vespere mense Decemb. superioris anni vidimus, unus idemque fuerunt (utì nobis quidem videtur) ingenti profecto saltu extra orbitam eclipticæ primùm ferè parallelam, cum Solem prætergrederetur, in Boream subito, magno inclinationis angulo, deflexit; deinceps tamen circuli novi tramitem satis accuratè observans.

PHÆN. XXX. Quemadmodum autem hoc ipso Planetas quodammodo æmulantur Cometæ (nam & illorum orbitas ad eclipticam & æquatorem non sine varietate inclinatas è terris cerni, & nodos, siue intersectiones retrò porrovè moveri docet eleganter HEVELIVS lib. II. Cometogr. p. 134.) sic eo nomine magis adhuc ipsorum simili meretur dici, quòd pariter ac illi motus proprii velocitatem ac tarditatem, prout hæc è terris animadvertitur, multum variant. Etenim cum novissimus noster, quo tempore velocissimus incederet, vix 5. gradus emetiri dietim esset deprehensus, ille 1607. ex LONGOMONTANI calculo 9. gr. 40 min. alius 1618. eodem teste, tantum 3 gr. 20 min. HEVELIANVS anno 1652. 11 gr. 16 min. pronuperus 1664. 12 gr. 51 min. & sequens proximè 1665. 4 gr. 6 min. antecedens autem 1661. vix 1 gr. 34. min. una die abolverunt, cum rapidissimi viderentur incedere.

PHÆN. XXXI. Nec enim ab invicem tantum sed à seipsis multò magis dissentiant diurni motus inæqualitate, Planetas hic iterum æmulati. Ac sub finem apparitionis quidem universim omnes tardissimè incedunt, ut vix unum aut dimidium gradum aut aliquot etiam minuta dietim provehantur, aliqui etiam prorsus evadant stationarii; prout exemplis novissimi nostri, aliorumque plurium annorum 1664. 1661. 1652. 1618. 1607. 1596. 1590. 1580. 1577. &c. prolixius ostendi posset: ab initio quoque non pauci tardiores notabiliter quàm in medio suo cursu deprehensi sunt, velut anni

1580,

1580, 1618, 1664. ac novissimus 1680. suorum Cometarum exemplis demonstrant; cum ultimus hic à 6. Novembris, quo die primum omnium Liptæ fuit observatus, ad 16. usque per integrum decendium minus intervallum confecerit quam 6. diebus sequentibus ad 22. usque ejusdem mensis, & illius penultimi diurnus motus ab exortu vix 1 gr. in media via circa 29. Decemb. 11 gr. 5 min. ultimo circa 4. Febr. tantum 5 min. extiterit, HEVELIO aliisque testibus. Et quamvis non desint exempla eorum Cometarum, qui primo sui conspectu velocissimi, deinceps indies decrescente motu incesseerunt, veluti de illis annorum 1585, 1577, 1607, 1552, 1661. observatorum docent relationes (unde fortassis est quod nimis generaliter CARTESIVS Princip. Philos. part. III. n. 128. Cometæ afferuit *initio vel saltem circa initia sui motus, videri celeritè moveri, sub finem autem lentissimè*) probabile tamen est eorum plerosque, si vel ob Solis viciniam videri citius potuissent, aut, qui potuissent, citius etiam fuissent animadversi, tardius etiam sub initium ingressos deprehendi potuisse; ut taceam (Conf. p. 565) in decremēta motuum ac finem apparitionis intentos plerumq; magis oculos habuisse Observatores quàm in primas motus variationes, eo tempore quo primum objici solent hæc Phænomena, plerumque minus notabiles: Prout exemplo Cometæ anni 1618. palpabile est, cujus motum à 1. Decemb. per aliquot sequentes continuò crevisse ex Observationibus CYSATI docet HEVELIVS Cometogr. Lib. IX. p. 624. & seqq. GASSENDO quoque, qui sub finem Novemb. eundem jam conspexerat, expressè motum ipsi sub initium 2 gr. cum fuisse, sub die ni 6. Decembr. autem integro gradu auctum attribuentæ; dum WENDELINVS interim, principio velocem fuisse, deinde lentiorē indies, rudiùs paulò ac negligentius adnotavit.

PHÆN. XXXII. Vt cunque verò inæquales sint hi motus Cometici, Planeticiis etiam hæc in parte similes, non est tamen inæqualitas hæc irregularis, subsultoria aut disproportionata, sed valde regularis, incrementorum ac decrementorum proportionem ordinatam satis jugiter observans. Neque tamen enormi motu raptum facillè deprehendas alium, ac ille REGIOMONTANI anno Christi 1472. latus ab hoc authore traditur, quando, sub Libra & stellis Virginis tardè motum ad spicam usque, deinceps per crura Bootis sinistrorsum ac celerius procul dubio (id enim ex præcedentibus REGIOMONTANI verbis concludimus) sublatum, inde uno die naturali

por-

portionem circuli magni 40 graduum descripsisse, narrat, per 4 fere signa, à fine sc. Virginis in principium usque Geminorum surreptum, ac inter Æquatoris Zodiacique polos, ad Cephæum, Cassiopejam ac Andromedam (motu illo rapido sine dubio paulatim iterum decrecente) delatum, circa piscem boreum valdè jam remisso motu ad Arietis ac Ceti stellas usq; excurrisse: & tamen hunc ipsum, raptum haut adeò irregulariter sese habuisse, tum ex modo narratis tum verò ex illis maximè REGIOMONTANI, verbis elucet, quibus hoc motu suo proprio circuli magni portionem eum descripsisse, ac in fine & principio tardè in medio verò apparitionis velocissimè, motum esse, testatur.

PHÆN. XXXII. Apprimè verò notabilis est illa motuum Cometicorum circumstantia, quòd nonnulli, uti modo memoratus REGIOMONTANI, pronuperus aliiq; complures annorum 1661, 1652, 1618, 1593, &c. motu retrogrado contra successionem signorum semper incessisse; alii contrà, uti novissimus noster & qui eandem olim cum hoc trivit semitam, TYCHONICVS ille anni 1577. cum aliis annorum 1585, 1665, &c. directum perpetim cursum tenuisse; aliqui denique, uti Cometæ annorum 1607, 1664, 1580, &c. sub ultimos apparitionis dies facti stationarii motum pristinum deinceps, ille quidem directum, hi verò retrogradum, in partes contrarias deflexisse deprehensi sint.

PHÆN. XXXIII. Tota porrò viæ longitudo, quam in cœlis apparenter emetiuntur Cometæ, valdè diversa reperitur. Sicut enim novissimus noster non solum in orbita propria duas fere cœli tertias, sed etiam in ecliptica, ab ea cum maximè distaret nondum 30 gr. remotus, 9 fere signa, & singularis ille anni 1472. dimidium signiferum, perlustravit, pronuperus item anni 1664. ultra 5 signa, observatus à MœSTLINO anno 1580. 4 cum dimidio, TYCHONICVS anni 1577. non nisi tria, peragrârunt; ita quorundam excursus ut e. g. anno 1661. sub solis Desphini Aquilæque sideribus conspecti, & nuperius anno 1677. HEVELIO observati &c. intra 26. & pauciorum etiam graduum cancellos sese continuit: Nullus certè totum cœli ambitum, uti Planetæ solent, unquam decurrisse legitur, eo uno excepto cujus historia jam supra nobis in Phæn. X. fuit meritò suspectissima.

PHÆN. XXXIV. Ultimo tandem loco illud quoque fusiùs adnotaremus, quòd Cometarum verus in cœlo motus sua pariter habeat

beat incrementa & decrementa, sed apparentis inæqualitati haut raro contraria; ita sc, ut aliquo eo tempore, quo visi sunt è terris rardiores quàm prius incedere, revera in cælo motus sui celeritatem intenderint, & contrà; nisi hoc inter hypothèses aut ex his deductas consequentias veriùs, quàm inter Observationes ac Phænomena recensenda forent. His ergo hac vice contenti, celebriores illas duas hypothèses HEVELII ac PETITI totidem capitibus exponemus; utra verò enatratris hætenus Phænomenis accommodatior nobis ac veritati propior videatur, ultimo capite dicemus.

CAPVT III.

HEVELIANAM Hypothesin, qua fieri potuit brevitate pariter & claritate exponens.

I.

QUæ dudum erat Astronomorum ac Physicorum plurimorum opinio, *Cometas* in cælis è concursu Planetariorum effluviis nasci, eam HEVELIUS multum exornatam & Observationibus egregiis firmatam probabilitati suæ restituere tantò magis allaboravit, quantò speciosius eam alia antiquissima quidem sed ab AVYTO & PETITO pronuper feliciùs revocata, obfuscare videbatur.

II. Pro fundamento totius hypotheseos prolixè admodum toto ferè lib. VII. Cometograph. demonstrat; Vti terra nostra tota quidem naturaliter est incorruptibilis, sed secundum partes aliquas alterationibus obnoxia, ideoque atmosphæra quadam & effluviis orbe undique cincta; sic universa quoque corpora mundana reliqua suas habere atmosphæras nec, nisi secundum se tota, esse incorruptibilia. Id verò non solum eruditorum plurimorum tum veterum, tum recentiorum consensu munit p. 357; sed experimentis inprimis & rationibus deinceps confirmat multivariis.

III. Ac de Solis igneo maximam partem globo ex maculis umbris & faculis, circa ipsum successivè oriundis iterumque intereuntibus, & ex ejusdem Solis aliquando, sereno prorsus aère, pallente aut rubente aut obtuso valdè obfuscatoque lumine rem istam comprobat: Lunæ pariter atmosphæram ex macularum eodem Telescopio temporibus diversis, aère tamen æque sereno & in eadem Lu-

na altitudine, variante notabiliter splendore, & cum KEPLERO, ex observatis quibusdam eclipsibus Solis totalibus (qualis Octobri mense 1605. Neapoli & Antwerpæ observata est) in quibus, tecto licet à Luna toto Sole, flammeus tamen undique rubor Lunam æqualiter cingere deprehensus est; nec non è fulgore quodam circa limbos & luculis quibusdam in Lunæ totaliter eclipsatæ vultu mobilibus, anno 1635, d. 3. Martii ac die 27. Aug. & anno 1642, d. 15. Apr. observatis, è limbi Lunarîs in eclipsibus Solis partialibus insolita fluctuatione &c. deducit; ad stipulantibus quidem SCHEINERO, KIRCHERO, CYSATO, WENDELINO, KEPLERO, BVLLIALDO, aliisque Astronomorum celebriorum quamplurimis.

IV. Tametsi verò circa Planetas reliquos difficilius observari orbium talium vaporosorum indicia posse fateatur, quemadmodum & terræ atmosphæram & in hac occurrentes mutationes innumeras ex istis vicissim ægrè observabiles demonstrat; nihilominus de illis quoque & generaliter præsumit similia propter maximam ipsorum cum Luna terraque similitudinem, & specialiter circa 24 primum ex circumjovialium notata diversa magnitudine, prout 24 propiores aut ab eo remotiores fuerint, macularum item ac Zonarum ejusdem albicantia ac positu, numero, figurâ, valde mutabilium, inconstantia, vaporosam ac nubilam aliquando hujusmodi sphæram arguit, ac de Saturno porro subsumit; additâ ratione quoque, quòd utrumque Planetam alii secundarii instar Lunarum perpetuo obambulent, à quorum lumine mutuatio non minùs ac à Solis directo notabiliter istos affici mutarique quoad externam superficiem necessum sit. Deinde verò, illud etiam quòd aliquando colorem, magnitudinem & figuram prorsus mutasse apud D. Augustinum de Civ. Dei legatur, atmosphæras inferiorum quoque Planetarum arguere credens, in fixis coruscationes & scintillationes illas non ad aliam causam rectius quàm ad evibrationem materiæ lucidæ & continuam vaporum expirationem reduci putat, & præterea novarum quarundam inter fixas exortarum anno 1572, & 1604. paulatimque decrescientium ac tandem evanidarum, nec unquam reversarum stellarum Phænomena, aliarumque in cigni pectore, collo ceti &c. per vices decrescientium & augescientium ac resurgentium eodem loco, mirandas ac frequentes mutationes, non aliter facilius salvari arbitratur, quàm admissis fixarum tan-

tanquam totidem Solium, effluviis perpetuis ac circa nonnullas aliquando copiosius congestis rursumque dissolutis &c.

V. Quemadmodum autem crassiora mundanorum corporum effluvia intra cujusque atmospheram consistere, & instar macularum solarium ac nubium nostrarum &c. nunc concrelescere, nunc solvi rursum & a corpore suo attrahi statuit: ita subtiliora non raro atmospheram suam supergressa per universum ætherem sese diffundere, passim etiam crassescere in spatias, ac nobis adhuc invisibiles, nubeculas atque nucleos diversæ magnitudinis, arbitratur: quæ cum deinceps, aliis supervenientibus nubeculis sive nucleis ex atmospheris vicinis, ab intercurrente ratione materia conjungantur, in admirandam tandem molem concrestant, acquisita paulatim ex insita quadam ad condensandum propensione majori densitate exceptos solis radios reflectentem & cum terræ nostræ satis vicina fuerit reddita, terricolis sub crinitæ stellæ formâ conspicuam.

VI. Et, quando vel ex uno Sole sufficientissimam pro Cometis hactenus magno annorum intervallo apparentibus, imò pro multo pluribus, evaporare, ex macularum, sæpe 40am, 30am, imò decimam octavam ac duodecimam disci solaris partem diametro suâ exæquantium, umbrarum autem adhuc ampliore magnitudine, quæ, si in eadem cum Lunæ aut non multo majore distantia cerneretur, Lunæ plenæ amplitudinem in oculis nostris multum esset superatura (vid. omnino Cometogr. p. 402. &c.) & præterea ex earundem macularum unius anni curriculo tantum oriundarum multitudine [annis enim 1643, & 1644, ipsemet tot in sole maculas majores minoresque notavit, quæ 40 mediocribus $\frac{1}{10}$ partem diametri solaris comprehendentibus, æquiparari poterant, & anno 1625, earundem 153, numeravit SCHEINER vs pro talibus 100. omni jure habendas] egregie demonstrat; inde rationem invenit facilem, cur Cometæ Solis spheram ingressi (prout plerosque eam trajicere judicat ex distantis plurium calculo sollicitè subductis) auferant maximè & maturescant, egressuri verò eandem magis magisque dissolvantur, repetente quali Sole quæ sua fuerant, idemque postea facientibus cæteris reliquorum Planetarum orbibus.

VII. Ut verò res omnis evadat manifestior, ex Observationibus & SCHEINERI & propriis suis quamplurimis ostendit solarium macularum & Cometarum in plerisque proprietatibus convenientiam; nisi, quòd illæ partem sui à Sole averfam atque ad eò obscuram,

hi verò, à Sole distantiores & multum elongati, faciem ab ipso illuminatam, nobis obijciant : Generari quippe illas quovis anni tempore, nunc plures tamen, nunc pauciores, nunc plane nullas; augere ex plurium parvularum concursu & aggregatione in moles diversæ magnitudinis, rursusque diminui per earundem disgregationem; figuram habere non sphericam sed planam magis instar nubium ac disciformem, qualem etiam Cometis adscribit, irregularem sæpe sed rotunditatem ut plurimum affectantem; in medio quoque partes aliquas rariores, alias densiores ac nucleos quasi diversæ & mutabilis subinde magnitudinis, crassitie, densitatis & coloris habere; nucleos illos primarios non semper consistere præcisè in medio maculæ, & ambiri corpore quodam ipsis tenuiore ac rariore, tanquam atmosphæra seu comâ quadam; nec ipsam maculam dissolvi prius, quàm nucleus solidior lentim fuerit resolutus; alias aliis diuturniores esse; intrinseco quodam motu nucleos nunc ad invicem accedere propius, nunc se jungi magis &c. quæ quidem ex Authoris delineationibus ad p. 410. & seq. (quarum unam alteramque saltem exempli loco Fig. IV. Iconismi B. nos exhibemus) perspecta fusiùs & cum Phænomenis superioribus collata magnam generationi capitum Cometicorum lucem offundunt.

VIII. *Caudarum* autem productionem ut eadem verosimilitudine declaret, insignem quandam Observationem circa easdem Solis maculas Lib. VIII. Cometogr. p. 479. non suorum tantum sed SCHEINERI quoque oculorum testimonio confirmat; quòd sc. rarior quæ cingit maculæ primariæ nucleum materia, umbræ nomine ab ipsis insignita, circa Solis centrum in B v. g. [vid. Fig. III. Icon. A] eum æqualiter undique circumdet, circa margines autem, eum vel sequi a tergo ut in A, D, E, vel antecedere ut in C, F, G, ubique adeò secundum rectam lineam è Solis centro per maculæ nucleum ductam disponi, clarissimè cernatur: non aliam quidem ob causam, quàm quòd Sol radiorum suorum virtute rariusculam illam materiam à se post maculæ terga propellat, eoque loco maximè, quo his impulsibus minus est obnoxia, nucleo quasi coherentem detineat, haut obstante massæ totius tenuibus suis filamentis connexæ motu satis veloci. Simul autem p. 481. ad hoc imprimis animum advertere Lectores suos jubet, quòd e. g. circa maculam solarem vix 20. sec. in disco Solis æquantem umbrarum tractum tricies, imò quadragies longiorem atque adeò quoad aream superficiei 200. vicibus capio-

paciore circumstare non semel, ac nominatim d. 20. Julii 1643, observaverit; quam parvulam quidem in ista distantia molem ex intervallo 60. semidd. terrestrium in cœlo Lunari oculis objectam, 15. cœli gradus posse subtendere, pariterque umbras illas secundarias, quæ totum aliquando Solem obnubilarunt, etiamsi diametrum solis non excederent, ad eandem intercapedinem terram versus ex hypothesi depressas, 45, vel 50. gradus tam in longitudine quam in latitudine explere docet ibid. & p. 403.

IX. Cum igitur æther subinde talibus exhalationibus tenuissimis ac vapore circumterrestri multò subtilioribus refertus sit, has equidē inquit, sparsas adhuc radios solares nullibi sistere ut evaderent visibiles; at rudimento quodam futuri Cometæ ex hujus illiusve Planetæ orbe vastum illud spatium trajicienti densius cohærentes, maximamque partem radiorum solarium impulsu post capitis Cometicæ postica tractu longissimo congregatas, ab aliis ejusdem solis radiis ipsum caput Cometæ penetrantibus, sed ab interjecta rariore materia refractis, atque adeò multum debilitatis, ita collustrari, ut in tenebris constituto oculo reddita visibiles, caudarum illum tractum plus minusve lucidum &, pro varietate effluviorum hujus illiusve Planetæ prædominantium, quin & pro vario gradu densitatis & compactionis subinde quoque mutabilis, nec non pro vario ad horizontem vaporosiores positu, (p. 515.) vario colore conspicuum &c. exhibeant: reliquis interim eorundem symmatum varietatibus, à sola capitis constitutione ac dispositione plurium vel pauciorum nucleorum ita pendentibus, ut radii solis transmissi post suas reflexiones & refractiones in mucronem quandam longius à capite coeant, vel statim post caput uno communi loco de cussati postmodum divergant & caudæ Phænomenon circa cervicem coarctatum deinceps magis magisque dilatent, vel denique in diversis locis facta ejusmodi decussatione diversorum quasi conorum radioforum, à capite ad extremitatem usque dilatari sensim incipiant.

X. Neque verò hæc ita generaliter tantum monet, sed specialiter etiam singulis observatorum accuratius Cometarum Phænomenis ita accommodat, ut eorum etiam, qui nullo unquam Telescopio conspecti sunt, nucleos ac horum dispositionem in capite ejusvis, ad analogiā aliorum à sese aliisve observatorum, ita fingat ex hac hypothese sua, quò caudarum annotatas ab historicis apparentias omnes, etiam monstruosas & præ æteris mirabiles inde prove-

nire potuisse dilucidè appareat; prout è Schematistis plurimis sub Lit. H, I, K, L, ad p. 442. & seqq. spectandis (omnia enim illa specialia harum pagellarum angustia non admittit) elucere potest. In primis autem quorundam caudarum deviationes & incurvationes, superius Phænomeno XVIII. notatas ex eo faciliè deducit, quòd, pro varia nucleorum in capite dispositione, radiorum transmissorum decussationes non semper in ipsa linea media è centro solis per centrum Cometæ ducta, sed ex alterutro nonnunquam latere contingant (p. 485.) & pro diversis in materia caudæ densitatis gradibus (quales e. g. in atmosphæra quoque nostra notentur) cum caudæ notabili deviatione conjunctis (absque hac enim incurvationem ab una parte convexam & ab altera concavam nunquam contingere) illaplos obliquius radios, secundùm leges opticas gradatim incurvari necessum sit (p. 498. & seqq. pluribus) atq; in casu alternantis quasi raritatis ac densitatis partium minus cohærentium, etiam ruptas alicubi caudas ac intercisas apparere. (p. 513. in fine.)

XI. Et cum in Cometarum capitibus diversi nuclei subinde motu intestino irregulariter loca sua mutare, imò & figuram & magnitudinem, deprehendantur, fieri aliter haut posse inferi, quam ut (p. 512.) lumen Solis per caput tractum varias etiam mutationes subeat, & jam longius, jam brevius, exporrectum, caudas fluctuantes ac vibrantes, nunc vividiore, mox languidiore, aliquando penitus evanidas ac subito regeneratas &c. in ipsa quoque caput ambiens coma, alibi condensata magis alibi rarefacta successivè, ejusdem luminis variationes & micationses subitaneas subinde efficiat: maximè verò in Cometis istis lucidioribus & ignitis magis, quorum capita & solidioribus pluribusque lumenque fortius reflectentibus nucleis componantur; quamvis & aërem nostrum vaporosum nubilis exhalationum inæqualiter ludentem aliquid ad hæc Phænomena conferre posse nullus diffiteatur. p. 513.

XII. Denique cur plerorumque Cometarum caudæ capitibus suis minùs splendidæ, prope capita item ut plurimum quam in extremis fulgentiores sint; cur aliæ fixas obscuras aut penitus tegant, (id quod haut infrequenter circa Cometâ anni 1618 contigisse testatur Cysartus) per alias contrà minutiores etiâ stellæ traluceant, ut in novissimo nostro factum; quomodo item per medium caudæ collectiones radii medullam quasi candidiorem, aut versus latera magis congregati lineam quandam nigram formare queant &c. ex eadem dispositione.

positione varia interiorum capitis nucleorum, ut vel in orbem positi minutiores medium quasi foramen relinquant, per quod effusi copiosiores & à nucleorum lateribus ad eundem communem terminum determinati radii colligantur. vel in unum solum grandioris nucleum compacti viam illam mediam lumini intercipient &c. & ex majori plerumque caudarum prope capita densitate, radiorumque magis adhuc collectorum majori adhuc robore &c. p. § 18. nullo quidem negotio ostendit.

XIII. Diversas autem caudarum longitudines & latitudines, etiam in uno eodemque Cometa variabiles, quod attinet, illarum causam assignat partim Physicam, partim Opticam: Et Physicam quidem in ipsa materię tenuioris Cometam ambientis & comitantis majori minorive, nunc augeſcente, nunc decreſcente, copia, & consistentia quærit; Opticam autem in varia distantia Cometarum diversorum. vel ejusdem quoque successive, à Sole pariter & à terra reperit: cum certum sit & ex Fig. III. Iconismi B perspicuum, eandem caudæ molem, prout vel circa Solis conjunctionem vel in majori à Sole digressionem, vel circa Solis oppositum, in majore aut minore à terris distantia, oculis nostris objicitur, ita majorem aut minorem aut nullum angulum subrendendo, ipsam longissimam & lucidissimam, aut dilutiorem ac breviorē (p. § 25. & seq.) aut planè nullam apparere posse. Id quod speciatim ad novissimi nostri sub apparitionem matutinam multò breviorē ac dilutiorem, sub vespertinam autem alteram stupendæ longitudinis & claritatis caudam facillè accommodabit, quī, quod multæ suadent credere circumstantiæ, cogitaverit, ibi Cometam à terris ipſo Sole adhuc distantiorē in sublime magis caudam porrexisse suam, hic econtra jam infra Solem delapsū, ac in transitu magna solarium halituum accessione ditatum, ad terram nostram propius eandem demississe adeoque sub angulo maximo spectandam exhibuisse. Quin etiam hoc modo caudarum figura quoque, superius n. IX. ad causam Physicam revocata, nonnunquam ex ratione merè optica pendere posset: quandoquidem extremitatem ejus, prout aversa magis à terris quàm partes reliquæ, vel ad eam propius conversa fuerit, ita dilatatam magis & ampliorem, vel coarctatam & cuspidatam spectare necessum est. (p. § 39.)

XIV. Motum Cometis, utpote corporibus caducis ac interituris & disciformibus magis quàm sphericis, cum KEPLERO rectum potius

potius quam circulare aut ellipticum tribuit, (p. 562. & 568.) circa finem apparitionis tamen & exortum eorum, h. e. cum concre-
scere incipiunt (quamvis hoc observari haut facile queat) & cum
dissolvuntur maximè, deviantem aliquo modo, ad analogiam ite-
rum solarium macularum simile motus sui Phænomenon frequen-
ter exhibentium; (566.) quæ realis tamen deviatio ex apparente
aliâ. Cometarum diversæ tum ad Solem tum ad terram distantiz,
anguloque inde variato, accepta ferenda, subinde capiat augmenta
notabiliora: (p. 564. & 567.) Et progressum illum corporis discet
sic fieri concipit, ut latere sui tenuiore quantum ejus ad Solem respec-
tus infra declarandus permiserit, non autem planâ & expansiore
facie, autâ ætheream secet (sicut e. g. jacula & cuneiformia cor-
pora, navigia, & similia secundum longitudinem suam ac partem te-
nuiore, etiam ex alia parte impulsu passa, provehi solent, eò se
sponte quasi suâ convertentia; quo ipso & facilius impetum receptu
continuet & ad motum circulare, obnitente sc. æthereâ materia
plano corporis, introrsum convertendo, sicut aqua navigiorum gu-
bernaculo, prorsus ineptum roddatur (p. 570. &c.) Maximè verò ab
ipsis apparentiis coactum sese motu hunc trajectorium propugnare
dicit, quòd ipso mediante, atque insuper annuo telluris motu in sub-
sidium vocato (pro quo Cometæ omnes strenuè militent) omnibus
satis fieri Phænomenis commode queat, quæ salvare per motus cir-
culares aut ellipticos sit prorsus impossibile: id quod exemplis eo-
rum decem, quorum Observationes exquisitè fuerunt annotatæ, pro-
lixè admodum nec operosè minùs quam ingeniosè docet à p. 590.
per insequentes quàmplurimas.

XV. Optarim equidem ut harum pagellarum angustia & in-
stituti præsentis ratio concederet ipsam praxin etiam ex quatuor cu-
jusque Cometæ Observationibus accuratioribus, quanto licet ma-
ximo dierum intervallo diffitis, ejus Trajectoriam lineam vel me-
chanicè describendi vel per calculum explorandi ac determinandi,
ut ex Authoris Lib. IX. p. 593. & seqq. hîc docere liceret: Verùm
enimverò, cum aliarum omnium quæstionum, & speculationum cir-
ca Cometæ unquam occurrentium hæc sit subtilissima & ingenio-
sissima, quam nemo gentium ante HEVELIUM, excepto MAGNO illo
KEPLERO, cui hoc inventum, à se deinceps excultum & elucidatum
acceptum refert, tentare ausus fuerit; hujus neque loci neque spatii
rem istam, exemplorum plurium ac Schematismorum haut pauco-
rum

rum indigam, esse ab unoquoque facile judicabitur. Sufficiat ingeniosissimorum ausum vel obiter fecisse mentionem, & adumbrationi qualicunque Fig. 2. Icon. B exhibitæ hoc unum addidisse; mirabiles etiam motûs ac enormes saltûs ejus Cometæ, quem anno 1472. Regiomontanus observavit & nos in Phæn. XXXII. descripsimus, ad hæc leges Trajectoriæ ab Autore nostro (p. 601. & seqq.) feliciter esse revocatos, & Cometæ pronuperi annorum 1664, & 1665. viam eadem arte Lib. XI. 760. & seqq. ita descriptam, ut per eam æquabili latitis & uniformi motu incedentis & apparens motus retrogradus valdè inæqualis, & statio sub finem ac directus aliquotusque incessus, & latitudines longitudinesque &c. ad singulos dies calculo subductæ, eidem apprimè consonarent, imò distantia quoque Cometæ à terra in dies singulos cum eis, quas parallaxes ex Observationibus multò seriùs expeditæ determinârunt, ita convenirent, ut seipsum id mirum habuisse testetur Author.

XVI. Vnde verò motus iste Cometarum trajectorius rectilineus exoriatur, quâ ratione propagetur, conservetur, rursus destruat ac deniq; sistatur; hoc esse omnium suffragio Thema præcipuum, maximè arduum & intricatum, fatetur p. 643. suamque adeò hypothesein non tanquam latissimam omnibus, sed tanquam non usque adeò absurdam & cum meliore quavis promptè commutandam per sequentes paginas prolixè exponit. Res omnis in compendio huc redit: Primum Cometæ futuri rudimentum intra Planetæ cujusdam atmospheram A (vid. Fig. I. Icon. B) concrescens, hujus periodica vertigine versus ambitum per lineam quasi spiralem successivè sublevatur & acquisito magis magisque impetu, vortice hoc circa B ejectum, in æthere libero postmodum, (uti lapis ex fundæ gyris dimissus in aëre) per lineam omnino rectam B K. continuò ferretur, nisi, faciem sui alteram Soli ut e.g. nubes suam terræ, semper obvertere cœctum, ab ætheris renixu in lineam aliquo modo curvam & Solem versus cavam deflecteretur, ita quidem ut, cum ob causam jam dictam ab initio expansa magis sui parte quâ Solem respicit, deinceps verò magis magisque tenuiore latere ætheris secundo obviet, subinde velocius incedat quò propiùs ad Solis perpendiculum F S accesserit; exinde verò paulatim alteram & averfam a Sole faciem per rumpendæ auræ æthereæ obiciens, iterum magis magisque retardetur; prout equidem reipsa fieri experientia & Observationibus respondens calculus edoceat,

E

XVII. Et

XVII. Et cum illa materia Cometicæ conerctio prima, & subsequens è natali vortice expulso, vel sub huius æquatore & circulo maximo, vel alibi sub minoribus circulis possit contingere, ibi adeò multò quàm hîc rapidior; unius etiã Planetæ vortex major & amplior imò & concitator sit vortice alterius; ac præterea densiora & compactiora corpora sint ad motum aptiora rarioribus ac tenuibus &c. hinc unius etiã Cometæ verus in Trajectoria motus velocior æstimatur motu alterius, imò ex hac etiã causa unius ejusdemque raptus in principio & fine, cum nondum satis addensati sunt nuclei, & quando rarefcere rursus occipiunt, solet esse tardior, in medio cursu, cum maturuerunt, concitator; prout e. g. Cometæ anni 1618, 1652, 1661, cum denso adhuc corpore unoque tantum & altero nucleo compactiore constarent, plus viæ dietim in Trajectoria confecisse, sub finem autem, cum rarefcere jam ac dissolvi occiperent, multò tardius incessisse, fundatus Observationibus indubitis calculus docuerit.

XVIII. Trajectoriam igitur illam lineam non tam præcisè rectam quàm parabolicam esse ex antedictis judicat HEVELIUS (p. 659.) & hinc eorum Cometarum, qui circa verticem parabolæ, h. e. circa lineam S F ex Sole in Trajectoriam perpendiculariter cadentem, primum sub aspectum nostrum veniunt, ab initio statim solere velocissimum observari motum, tardissimum ex opposito eorum incessum, qui longius ab illo perpendiculo circa B vel C exoriuntur (p. 669.) Quemadmodum autem illa motus incrementa ac decrementsa valde regularia & proportionata esse Cometarum omnium paulò exactius Observatorum exemplis evincit; ita quæ porro in apparente motu nonnunquam occurrunt inæqualitates & irregularitates, e. g. saltus illos enormes qualis in Cometa REGIOMONTANI notatus fuit, stationes item & retrogradationes in partes præiori motui contrarias &c. ex motu terræ annuo eodem modo deducit, quo alias Copernicani Planetarum ordinariarum similes apparentias, tanquam meras deceptiones opticas, salvare ingeniosè solent.

XIX. Sic e. g. Cometæ pronuperi anno 1664. & 1665. stationem & directum tandem ingressum sub apparitionis finem, cum toto tempore reliquo retrogradus versus antecedentia signa, h. e. ab ortu versus occasum incessisset, apparenter saltem contigisse, reversà autem Cometam in Trajectoria sua æquabili & proportionatè diminuto motu in occasum perpetuò perrexisse, speciosè demonstrat; prout

prout é Theoria dicti Cometæ ad p. 760, delineata, à nobis autem muratis pauculis in Fig. 2. Icon. B exhibita luculenter apparebit rectè attendentibus. Etenim cùm terra existens in *a* d. 15. Decemb. vidisset Cometam *A* matutinum ante ☉ ortum in 2 gr. 23. min. ☿ ac postmodum d. 27. *D* medium quasi inter ortum & occasum, deinceps autem vespertinum ac indies tardiorē apparetur, quamvis reverà ferme æqualiter promotum (spatia enim *C D*, *D E*, *E F* in Trajectoria parabolica cùm sint æqualia fere, apparens tamen in signis Eclipticæ motus perpetuò decrescit, uti quidem Observationes postulaverant) delata circa Febr. principium ad *b* & *k*, radiis ferè parallelis eundem eodem sensibilibiter loco, adeoque stationarium, conplexit; in *l* & *m* verò circa 13. ejusdem mensis, sinistrorsum jam in partes anteriores vergente radio visivo, retrogradum necessariò vidit, tametsi reverà, uti semel cœperat, à *K* ad *L* &c. directè pergentem.

CAPVT IV.

PETITI Hypothesin in compendio similiter exhibens.

I.

EAndem prorsus, quoad generalia, foverat antehac hypothesin *P. PETITVS* cum ea quam *HEVELIVS* enarrato modo excoluit, imò ex iisdem ferè principiis omnem Cometarum originem & plerasque ipsorum apparentias compendiosè deducit à pag. 22. *luz Dissert.* ad p. 33. usque. Posteaquam autem Cometæ pronuperi, anni 1664, Phænomena & incessum considerasset attentius, insufficientes æstimavit istas suas cogitationes priores, ad salvandum præsertim motum adeò regularem ad calculum etiam & Geometriæ regulas æquè ac cœlestium reliquorum inotus revocabilem, qualem corpori raro & exhalationibus æthereis convenire posse absolute negat (p. 34.)

II. Antequam autem alteram ejus hypothesin, quicquid priorē remissam postea commutavit, exponamus, operæ pretium erit hoc ejus de motu Cometico regulari dubium, quod ipsum ad deserendam sententiam priorē compulerat, penitiùs habere perspectum.

E 2

No-

Noverat is jam dudum ab anno 1618 suboluisse Viris doctis, KEPLERO, GALILÆO, CYSATO, BVLLIALDO, GASSENDO, &c. quòd Cometarum motus fierent supra lineas rectas tangentes alicujus circuli, quarum partes æquales dietim à Cometis confectæ, nostris oculis exhiberent angulos inæquales, & illos quidem augescentes indies donec ad ipsum contactus punctum, terræ jam proximi, devenissent, exinde verò paulatim iterum eadem proportionem decrecentes (p. 268.) Audiverat ex AVZUTO (qui primus ad calculum publicè revocare rem istam anno 1664, ausus erat) paratam à se & ad externos emissam ex Observationibus primis Cometæ tum affulgentis Ephemerin omnium ejus motuum in futuros dies expectandorum: Videbat ipse tandem sic monitus, haut plures requiri quàm tres diversorum dierum Observationes, adeoque duos angulos, observati motus proprii mensuras, ad determinanda Cometæ loca in singulos dies sequuturos & condendam totius durationis Ephemerin, sive Geometrico calculo, qualem eodem tempore Burdegala Jesuitam PRADIES quoque (NB. hic idem ab HEVELIO lib. XI. Cometogr. p. 776. sub nomine P. IGNATII GASTONIS PARDIES allegatur) adinvenisse fatetur p. 360. suo ipsius multò faciliorem & ingeniosorem; sive mechanica ratione quàm primum uti præ calculo operoso malebat, constituendo supra chartam quàm potis erat accuracione duos angulos Observationibus primùm habitis respondentes, & scalam Geometricam h. e. lineam rectam in partes æquales minutissimas divisam angulis istis ita applicando, ut æqualis partium numerus utrique exactè responderet, aut proportionatus saltem intervallis temporum quibus Observationes illæ fuerant habitæ; denique juxta scalam sic applicatam ducendo rectam, quàm uteretur loco tangentis ductaque ad ipsam perpendiculari, Cometæ Perigæum augescentesque & porro diminuendos indies motus determinaret: Animadvertebat etiam angulos motuum hac methodo inventos sic satis respondere motibus Cometæ in cœlo ipso per plusculos porro dies observatis. (p. 270.)

III. Cùm itaque satis jam constaret Cometarum motus haut quaquam irregulares esse, uti quidem à multis retrò seculis erat creditum, sed cœlestium reliquorum motibus simillimos; istis coarvâ potius crinita hæc sidera quàm noviter in cœlis genita putabat esse statuenda: Et sicut aliqui ex mundanis istis globis, uti Sol & fixæ, sint verè lucidi & nativo lumine corusci, aliqui contrâ, uti Tellus &

Plane-

Planetæ cœteri, opaci prorsus & ab istis illuminandi; sic verosimiliter aliquos etiam esse naturæ mediæ (cùm nullibi Deus ac natura ab uno extremo ad alterum, nullo planè medio, transiisse observentur) Semilucidos, h. e. luce propriâ quidem sed debiliore, instructos & quod deest à Sole fixisque mutuari solitos (p. 35.) Quemadmodum item nonnulla ex totalibus istis mundi corporibus uno, 2, 3, 7, 16, diebus, ut Δ ac H turni satellites, aliqua mense uno, aut tribus aut 8 mensibus, ut D , G , Q , aliqua anno uno aut 2 aut 12 aut 30, ut \odot , J , Δ , ac H , motuum suorum periodos absolunt: ita quædam eorum, qualia Cometas esse putat, intra 40, 50, 60, 100 annos suos posse decurrere circulos, ac tum demùm nobis conspicua fieri, cùm ad perigæum sui circuli descendunt, ab hoc autem elevata rursum paulatim oculis nostris subduci eo modo quo J nunc pusillus nunc ingens spectatur prout à terra magis minusve removeretur, ac stellæ quædam inter fixas alternis apparent ac disparent proportionatè crescentes ac decrescientes, non aliâ proculdubio ratione quàm alterno suo quodam ascensu ac descensu (p. 36. & seq.)

IV. Verùm ut harum ascensus ac descensus rectilineus magis est concipiendus quò earum fixus uno eodemque loco conspectus salvetur; sic illum Cometarum in circulo quodam vasto, qui vel orbem nostrum Planeticum ambiat ut B F K (vid. Fig. 5. Icon. B) in spatio illo Saturnum inter ac fixas vastissimo, sed ex centro infra nostri centrum A immensis modis depresso, descriptus, vel extra nostrum totus aliquâ suæ circumferentiæ parte Y, Y ad orbem nostrum accedat propius, vel etiam, si quis aliquando saltem id necessum putet (vid. p. 45, & 288.) eundem transeundo secet ut X, X, fieri posse, & hoc pacto contingere, ut circa F existens Cometa videatur omnium maximus ac velocissimus, ante verò ac post illud tempus in C, D, E, vel G, H, I eo minor ac tardior, quò fuerit à Perigæo suo F remotior, quod anguli visivi F A E & F A G majores, reliqui autem deinceps minores sint, etiamsi spatia CB, CD &c. omnia sint æqualia idemque quævis die ac regularis penitus Cometæ motus.

V. Et cùm hac hypothesi tante necessum sit eosdem Cometas, postquam in suis circulis vastissimis è conspectu nostro sublatis fuerint ac per superiora ejusdem regulari motu plurium annorum intervallo delati, tandem ad inferiores iterum partes atque sub conspectum nostrum redire, idque per tot secula pluries; existimavit PERRVS suum illum anni 1664, verosimiliter eundem esse cum illo ma-

gno anni 1618, tum quòd eodem fere tramite inceslerit & per eadem Zodiaci signa, iisdem anni mensibus, tum etiam quòd per æqualia annorum 46 intervalla (quanto sc. hi duo ab invicem distant) retrò numerando ad Carol^{um} Magni tantùm tempora, viginti fermè reperiantur Cometæ periodum istam, vix uno aut altero anno nonnunquam aut excedente aut deficiente (quod in immensis istis revolutionibus, Nodorum & Apogæorum translationes proculdubio passis, attendendum haut esse credit, cùm ne ordinariorum quidem Planetarum arctiores multò periodi exactos usquequaq; observent terminos) sic satis definiētes, annis sc. à Christo nato 1526, 1477. (loco anni 1480) 1434, 1390 (loco 1388) 1341 (loco 1342) 1298, (loco 1296) 1112, 1068 (loco 1066) 882-837 (loco 836) 748 (loco 744) & per superiora secula satis barbara licet ad Salvatoris nostri nativitatem adhuc tres aut quatuor, ulteriùs autem ad annum usque 450, ante Christum porro quatuor aut quinque alios. De cæteris autem deficientibus ejusdem periodi annis, ut sunt 1577, 1250, 1204, 1158, 1020, 974, 928 & per remotiora secula complures, qui solenni hujus ejusdem Cometæ reditu debuissent esse insignes, ipsum vel sub solis radiis delituisse, ac interdiu tantùm nostrum lustrasse Horizontem dicit, (prout aliquando Cometam videri contigerit juxta Solem totaliter ecliptatum, aliàs inconspicuum futurum) vel Scriptorum incuriâ aut infrequentiâ non fuisse adnotatum &c.

VI. Hoc verò pacto in futuros quosque 46 annos ab illo 1664, hujus ejusdem reditum prædici & sic aliorum etiam apparitiones præsciri posse putat, inventis nimirum è collatione Observationum ipsorum quoq; periódis, quas 50. 60. pluriumque, 30 certè nonfacile pauciorum, annorum intervallo determinari credit, quòd ultrà h. emotos ipsorum circulos supposuisset. Vtrum autem hi circuli inter h. sphæram & firmamentum extrorsum circa fixam aliquam potius quàm circa Solem ac terram nostram velut YY in Fig. 5. Icon. B, an verò introrsum circa nostrum orbem Planeticum, ut B, F, K, disponendi videantur (per rectam enim ZZ ejusmodi copus perpetuum ferri videbatur ipsi absurdum, tamen si aliàs diurnus Cometæ motus ex rectæ tangentis calculo in futuros dies prædictus eventui pulchrè responderit;) id verò ex Observationum exactiorum collatione posteros aliquando nostros præcisius esse determinaturos sperat: Sibi verò interim probabilius multò videbatur ab initio, Co-

metas


metas circa Solem ac terram sed in circulo valdè eccentrico fertur quòd reliqui Planetæ ordinarii omnes eodem modo incedant, nec ullum extet motus extrorsum incurvati exemplum; tum verò, quòd isto supposito non facilè Cometa quispiam dimidium percurrisset Zodiacum (necum 8 vel 9 signa uti novissimus noster) videri posset, nisi per circulum immensæ prorsus magnitudinis delatus dicatur; tum denique, quòd anguli motuum diurnorum circa dies extremos, quos hypothæsis rectæ tangentis iusto jam minores dederat, in ista altera deberent adhuc magis arctari (uti quidem figuræ nudus adspæctus abunde docebit) cum econtrà hi ipsi, partes æquales linearum introrsum curvæ B, F, K complexi, Observationibus exactius responderent.

VII. Verùm enim verò ejusdem Cometæ Observationes ultimæ, ac imprimis apparens manifestò retrogradatio, retrogradum quoque fecere PETITVM ac mutare prorsus pristinam sententiam; adeò quidem, ut p. 271. per rectam lineam non incedere Cometæ hoc ipso experimento confirmaret, extrorsum autem incurvatam ejus fuisse semitam, quasi circa Canis majoris astrum inflexam, penitus sibi persuaderet, hæc notâ utilissimâ (p. 272.) cordatè subjunctâ: Quòd præcipitatio voluntaria de iis rebus scribendi, quarum nondum habemus plenam claritatem, & ferendi judicium suum de facti cujusdam una parte, non expectatâ conclusionem, ad veritatem conferre non possit; neque validè decidi res ulla nisi totâ lege perspectâ nec antè quàm simus de omnibus probè informati. Quin imò ne circularem quidem aut circuli magni portionem Cometæ traxerint fuisse, sed ellipticam potius sive ovalem lineam plano suo continuato per terræ centrum non transituram, (p. 275.) cujus apicem quasi claudere voluisse sub finem videatur; ideoque nec arcus diurnos à Perigæo licet æqualiter distantes, satis æquales extitisse; nec hypothæsin de tangente, & arcus diurnos illo calculo determinatos aut suis aut aliorum Observationibus exactè respondere, aliaque similia ultrò fatetur: interea tamen Cometæ esse corpora cœlestia mundo cœva certissimè sibi persuadet (p. 305.) istum anni 1664 autem cum altero anni 1618, unum eundemque ut credat non nisi conjecturâ quadam adducitur (p. 309.) ea quoque Observatione non parum roborandâ, quòd, ut istum comitatus est alius, eodem adeò anno 1665 cum ipso visus; ita retrogrediendo per enumeratas suprâ annorum 46 periodos, aliquoties etiam, e. g. annis 1526, & 1527,



& 1527, 1340, & 1441, 837, & sequente &c. duo Cometæ se invicem proximè sequuti legantur.

VIII. Sicut autem ipsa Comatarum corpora sive capita pro stellaris habet mundo coævis; ita comam circumfluam & caudas in oppositum Solis directas (p. 64. & seqq.) eodem fere modo quo HEVELIUS, ex effluviis æthereis generat, nullus interim dissimulans (p. 60. & 63.) in altera illa hypothesi, quæ stellis ipsas quoque de novo gigni supponit, rem omnem esse quàm in hac sua nova, multò faciliorem; quandoquidem exhalationum in capitis nucleum condensatorum reliquias subtiliores eidem sub caudæ forma adhærescere & à radiis solaribus per translucentum stellæ spurix discum trajectis una collustrari, eà quæ cap. III. n. IX. declaratum est ratione, facile concipiatur, cum difficultatis plus habeat corporis perpétui & caudæ temporariæ diutina adeò connexio.

IX. Existimat tamen Errones illos extraordinarios per ætheris vastissima spacia motu perpétuo & regulari circumvolutes peculiari quadam proprietate & fabrica sui corporis (p. 67.) obvis per ætherem ubique vapores & exhalationes cœlestes (quarum præsentiam & macularum solarium Phænomena & Solis actio continua in Planetas cæteros non minùs ac in terram nostram satis arguant) circum se colligere, dum nimirum motu suo rapido fluidum illud æthereum agitando faciunt, ut aliquæ istarum exhalationum, quas aliæ sequuntur & has rursus aliæ, ipsis adhæreant, eo pacto, quo videmus festucas aliæque levicula se applicare ligno cuidam secundo flumine delato (p. 64.) Illas autem exhalationes à Solis radiis in partes contrarias perpétuo expulsas, & corpori Cometæ tamen interim quantum possunt adhærere connexas, partim comam illam corpus undique ambientem, maximam partem autem refugas pone illud, ad modum fumi à vento post corpus aliquod impervium collecti aut scobis festucarumque à tergo ligni natantis concatenatâ serie colligatarum, appendicem illam caudiformem constituere, & lumine mutuatitio illustratam utramque terris ostendere. Caudas autem illas pro exhalationum copia ac diversitate, pro varia, quam subinde tum ex motu tum ex radiorum solarium impulsu patiantur, sui dissipatione & successiva ex obvis aliis halitibus restauratione, variam quoque magnitudinem & figuram variosque colores nancisci, ex pondere quoque; materiæ (p. 66.) longiores nonnunquam quoad extrema incurvari; prout extensiora quævis, ut bastilia & longuriones alii, alce-
ro sui



Anno 1680. d. 16. Decemb. Long circ. 60 gr.



ICONISMU B.

Fig. 4

d. 26 Febr. 1879. d. 25
Paris. Obs. Calisto
circa ☉ centrum

d. 26 Febr. 1879
Calisto Obs.
Hevelio.

d. 26 Febr. 1879

d. 26 Febr. 1879
Regula Obs.
S. Schumacher

Fig. 5

Obs. Schumacher



Fig. 3




Fig. 1





Fig. 2



A 15 Decemb.
B 20
C 27
D 1 Jan 1665
E 1
F 14
G 20
H 26
I 1 Febr.
K 7
L ..

ro sui extremo sustentata alterum in arcum quendam demittere soleant &c.

X. Denique ne inutiliter hæc omnia supposuisse videatur, non sine causa suspicari se putat (p. 69.) hosce globos Cometicos eâ fini per ætherea spatia devolvi, ut impuritates illas è globis mundanis cæteris undiquaq; confluentes quasi attrahendo ac Soli postmodum devorandas offerendo, cœles expurgent; quemadmodum e.g. aurifices metallorum diverforum limaturas ex officinæ quisquiliis separaturi, nunc magnetem sphæricum supra pavementum circumagitant, cui ferri scobs undique adhæreat, nunc mercurii globulum devolvunt, auri ramenta sibi adjunctorum &c. Vel etiam, ut æthereis istis nubilis cincti tantò plus luminis mutuatiitii à Sole recipiant, alioqui Saturno ipso futuri minùs illuminati, cum supra eundem pleriq; videantur elevati; hoc pacto verò & copiosius lumen hauriri & diutius in parte sui quavis servaturi: prout e.g. nubila nostra & atmosphæra terram ambiens crepusculina luce Solis absentiam compensant ac diem quodammodo extrahunt, & Saturni annulus, ejusdemque & Jovis Satellites hisce juncti ideò non immeritò videntur, ut tanquam totidem Lunæ luminis mutuatiitii ex intervallo nimio defectum in istis corporibus suppleant.

XI. Ultimò, ne quidquam omittamus, quod hypotheseos hujus partem faciat, hoc etiam vel verbo monendum est; Authorem hunc Celeberrimum Terræ motum annum quidem, non solum tanquam minus necessarium nec è Cometarum apparentiis inferendum, sed etiam ut multis difficultatibus obnoxium & vix comprehensibilem, ab hypothesi sua exclusum voluisse; (p. 307.) diurnam autem ejus vertiginem, ad salvandum Cometarum cum aliis astris communem motum, quippe incomprehensibilis aliàs rapiditatis futurum & caudæ materiam vel omnem dissipaturum vel in orientem perpetuò exporrecturum &c. (ibi. & p. 30. ac seq.) omninò necessariam judicare.

CAPUT V. & ultimum.

*Qualemcumq; nostram in iis, de utraq; hypothesei
citra partium studium omne subjungens.*

I.

DE Virorum adeò celebrium ingeniosis inventis & cogitatis nostram ferre sententiam quòd audeamus, id nemo alius paulò æquior vicio nobis, spero, vertet, cum ipsorum Inventorum propria,

F

laga-

lagacitate eorundem & acumine nihil minor, modestia, id nobis haut invita concedat; ex more scilicet xvi moderni, quo Philosophi saltem unialios modestè sibi obloquentes multò ferunt faciliùs, quàm Scholarum quidem rigor antehac admiserat. HEVELIUS certè sub initium Lib. VII. Cometogr. suæ p. 353. *Nullà prorsus ratione mihi persuadeo inquit, nec tibi, Lector Benevole, persuadeas velim; cùm illis magnis & perspicacissimis Viris, qui laborem istum tanto conamine jam exantlârunt, minimè sim comparandus — ac si aliquid omnibus numeris absolutissimum, atq; omnino certissimum hocce in negotio, in medium proferre penitus decreverim, absit, sanè absit! Attamen animus propterea non planè est abjiciendus sed potiùs omnibus viribus allaborandum esse censemus, quò saltem talia proferantur, quæ non omnino sint absurda & rationi prorsus repugnare videantur &c. — Veruntamen si tu, Benigne Lector, vel alius quis veriorè sententiam, per quam phænomena rectius & faciliùs explicari & enodari possint, mundo exponere volueris, id Tibi non solum integrum erit, sed istam ipsèmet, crede, suo tempore ambabus amplectar manibus.* Similia sub initium VIII. Libri habet p. 437. PETITUS autem, postquam dixisset p. 50. suæ Dissert. nos etiam, si non nisi Nani effemus cum Veteribus comparati, debere tamen super ipsorum humeros elevatos & sic in Gigantum staturam evectos ulterius quàm ipsi poterant prospicere, atque adeò tentare ut novi quidpiam in hoc sciendi genere detegamus; hoc tentamen, addit, si non ingeneret statim scientiam demonstrativam, posse tamen minimùm gignere aliquam verosimilitudinem & occasionem præbere aliis, quibus plus est otii, illas conjecturas suas emendandi & perficiendi &c. Et quàm promptus sit in mutandis opinionibus & melioribus admittendis, non solum verbis proluxè testatur p. 264. sed paulò antè factò ipso luculentissimè comprobavit; prout è cap. nostri IV. num. VII. constat.

II. Quamobrem, ut PETITI hypothesin priùs executiamus, illud profectò quòd Cometæ pro corporibus mundo coævus habet, jamdudum nobis valdè arrisit, quòd eà ratione de motu saltem ipsorum non multò plus difficultatis superfuturum fuisset, quàm nunc equidè de Planetis ordinariis superesse solet, eademque quæ his movendis assignari causa potuit, in illorum quoque revolutionibus agnoscisci faciliè debuisset; nisi caudatum extraordinarium & à radiis Solaribus manifestè pendens phænomenon novæ generationis argumentum quoddam vel invitis nobis obtrulisset. Quo equidem dubio:

nos facile liberâset novum CARTESII suppositum, quo Cometarum caudam nihil reale, sed oculorum quendam lulum ex radiis stellæ cometicæ singulari modo refractis oriundum (quale quid profectò nobis haut ita pridem Luna dichotoma per orbes vitreos, nihil tale cogitantibus objecit,) ingeniosè finxit; modò non ad roborandum hoc suppositum alia duo magis incredibilia requisivisset, Cometarum scil. omnium orbem Saturni transcendentem altitudinem, etiam PETRO non improbatam, quam observationibus quamplurimis adversari hodiè ferè indubium est, & novum quoddam refractionis genus nullibi aliàs obvium, ex principiis primum jactis valdè coactè deductum, ideòque PETITO ipsi p. 230. & 247. sed & VOSSIO de Natura Lucis p. 79. DN. CONTE Epist. CARTES. XIII. Partis II. p. 45. aliisque Viris doctissimis dudum suspectum.

III. Magis igitur arridet PETITI consilium, qui caudas Cometarum de novo generari corporibusque Mundo cœvis, eodem modo quo HEVELIUS suis temporariis, in via adnasci putat. Ubi dissimulare tamen non possumus, in Heveliana hypothesi speciosius illam caudæ cum capite, ex eadem quippe effluviis cœlestium materia genito, cohæzionem explicari, quàm in illa PETITI, ubi caput sive stella diversè planè generis corpus & Planetis cœteris congener habetur, indeque dubium statim subnascitur: cur non & cœteris planetis ordinariis, per eundem ætherem vagabundis, hujusmodi effluviis appendices accrescant? Cui quidem dubio tollendo cum dicat PETITUS, in planetis istis extraordinariis peculiarem quandam proprietatem aut fabricam adesse posse, quæ in cœteris ordinariis non sit; impossibile sanè nihil supponit, in obscuro tamen adhuc eam hypotheseos partem relinquit, cum in quoniam illa proprietas & fabrica consistat, aut qualis probabiliter esse queat ut ad sui cohæzionem effluvia diversorum adeò generum alliciat, non declaret.

IV. Neque laude suâ specieque caret elegans illa observatio circa cometam 1664. ac alios multos intervallo 46. annorum circiter per complura retro secula se invicem antecedentes; nec eo nomine unum eundemque toties iteratâ revolutione quali renatum illos omnes fuisse negabimus, quod colore, magnitudine, caudarum longitudine & figura, incessu per alios aliosque asterismos &c. ita variaverint, ut ne unus quidem ulli cœterorum ex omni parte similis apparuerit; quandoquidem aliam aliamque diversis temporibus errone huic extraordinario occurrere cœlestium effluviis copiam &c. potuisse

potuisse, & nodorum, apogæi, aliorumque in planetarum ordinariorum revolutionibus observatæ mutationes hæc talia possent excusare, HEVELIO quoque ipso id negare vix auso; quin & interval- lum illud 46. annorum non ita rigidè & præcisè per antecedentes periodos exigendum esse, & si quando defectum aliquem ejus perio- di passa videatur hypothetis, eum observantium aut historicorum incuriæ potius attribui tanto lubentius patiemur, quò plures nobis historia Lubenietzii plenior adnotat Cometas isti periodo accom- modos, PETITIO ipsi ignotos; siquidem annus 2102, loco 1204, 975, loco 974, 930, loco 928, 791, loco 790, itemque 744. præcisè come- tam mundo exhibuerunt, & ab hoc tempore ad Nativitatem Christi septem alios ejusdem conditionis ex Lubenizio numeramus, cum PETITUS tantum 3 aut 4. reperisset, quibus & illud addere jure potuisset, quòd ex antiquioribus illis pleriq; omnes, quorum mo- tus adnotati reperiuntur, æquè retrogradi ab ortu versus occasum, uti duo illi annorum 1618. & 1664. deprehendantur. Quinimò ad palliandam hanc de Cometarum revolutionibus hypothetis vix aliud exemplum adduci speciosius posse in gratiam PETITI adnota- mus, quàm novissimi nostri Vespertini & ejus Cometæ, quem TYCHO BRAHÆUS anno 1577. observavit: hi duo nempe eodem anni tem- pore, sub eodem Antinoi asterismo primum conspecti, eadem pro- pter viâ juxta Delphinum per Equuleum & Pegasus versus Andro- medæ caput ascenderunt, motu etiam, cum velocissimus esset, utro- biq; æquali ac in stationem tandem per decremента successiva desi- nente; eodem ferè tempore quoq; alter nempe sub finem Januarii, alter sub Februarii initium, disparuerunt, in nulla re alia magis dissi- miles, quàm in emensæ viæ longitudine, quæ in nupero nostro ultra Deltoti terminos extensa, in illo Tychonis inter Pegasus & Andro- medam finiit.

V. Quicquid autem hujus fuerit; ea tamen quæ Phœn. XII. XIII. & XIV. annotavimus, hypothetis hanc de Cometarum æternitate sive perpetuitate uno quasi ictu prostrernere penitus videntur: Neq; quidquam hic valebit exceptio PETITI, p. 74. legenda; illos, qui di- cant se vidisse plures in Capitis Cometarum stellas, potuisse dicere verum, sed dubium sibi nullum esse quin fuerint stellæ fixæ minu- tiores ordinariæ, quales ipsemet circa suum anni 1664. non unâ vi- ce observaverit, d. 17. Jan. speciatim horâ quasi sextâ inter duas ali- as distinctè conspectum. Etenim, aliud est juxta Cometæ stellam
salvæ

salvam ac integram unam alteramque fixam aliàs invisibilem, inventu telescopii detegere; aliud ipsam cometæ stellam sive nucleum non amplius integrum, sed in plures parvulas, situm ac distantiam suam mutantes, stellulas divinum spectare, quod posterius allegatæ CYSATI, SCHEINERI, WENDELINI, HEVELII, Observationes testantur esse factum: quales equidem omnibus aliis ac suis ipsius etiam antefereudas, ipsemet hoc ipso loco, pag. sc. 75. & 76. iis ipsis verbis fatetur PETITVS, quæ sub initium hujus Dissertationis ex ipso allegavimus.

VI. Tantò confidentius autem hanc de Cometarum perpetuitate sententiam deferimus, quantò magis incerta redditur à Phænomenis circularis eorundem revolutio, quæ sola, aut primariò saltem, PETITVM ab opinione altera, quam prius fuerat amplexus, abstraxit. Coactus enim ipsemet Observationum evidentiâ, circulem Cometarum viam, sive circa Solem ac terram; uti prius credidit, sive, his exclusis, circa fixam quandam ipsos revolventem, ultrò deseruit, & ellipticam postea lineam isti substituit; prout n. VII. cap. IV. ostendimus. Verùm enim verò ne Elliptis quidem ista utcunque ficta aut disposita, aut Cometas perennitati asserere, aut PETITVM liberare difficultatibus omnibus posse videtur. Ut enim retrogradationem illam ultimam aliquo modo declarare queat, si Cometam in ellipsi sua ad alterutrius diametri extrema sublatus inde per curvaturam in oppositas partes excurrentem retrocessisse in oculis nostris asserat; ingenti tamen, nisi me omnia fallunt, premetur difficultate ex eo, quòd, cum d. 29. Decemb. Cometam in Perigæo fuisse pro certo habeat (p. 275.) adeoque circa diametri alterius extremum terræ proximum, Cometa sic intra duos vel tres menses, si non quartam, quintam aut sextam, altem magnam ellipseos suæ partem emensus, intra paucos annos absolvere totam deberet ac suppositionem illam de Periodo 46 annorum penitus subvertere.

VII. Et quid dicemus de nupero nostro, qui cum matutinus apparuisset, ex Asterismo Ω ultra eclipticam in Austrum delatus ac juxta istam deinceps diu satis tantùm non parallelo motu ingressus, circa Solis conjunctionem insperatò iterum in has boreales cis eclipticam partes, imò secundum apparens ac vespertinus supra Equatorem etiam ac Tropicum \odot tandem, obliquo valde tramite, ascendit? Numquid elliptica magis quàm circularis, has irregularitates salvare linea poterit? aut alius à tot retro seculis inve-

niri Cometa, cujus tanquam ejusdem motus cum hujus nostri ambagibus quomodocunque saltem liceat conciliare? Diceret forte quispiam cum Clarissimo MONTANARIO, qui non perpetuitatem quidem Cometarum, at regularitatem tamen in ipsorum motu certis legibus alligandam generatim præsupponit, non unum eundemque fuisse, sed duos numero diversos, illum matutinum &, qui sequutus est deinceps vespertinum. Ignoscet tamen, scio, quæ est Viri non minor ingenio modestia, hic alique inter nos dissensum mihi publicè quoque profitenti, quibus alioquin in plerisque hypothetibus, etiam Phyticis, apprimè convenit. Nondum satis commoveor istis rationibus, quas in Epist. II. ad Celeberrimum MAGLIABECHIVM indicavit veriùs quàm diduxit, expectoque aut harum vim evidentiùs deductam aut alias in Tractatu quem pollicetur hinc cogentiores. Etenim ipsa motus irregularitas pro ratione decisiva hujus litis, quæ unine an duobus irregularis ille motus adtribuendus veniat disceptatur, allegari non potest; maximè cum vel solus anni 1661 Cometa, nonnullos à circulari tramite nimium quantum deflectere, satis ostendat.

VIII. Equidem si Observationes indubiæ probarent, quod ex ultima sua d. 4. Decembr. St. n. & ex aliis Romæ sibi postmodum communicatis coniecit Vir ingeniosissimus, Cometam illum matutinum, superato Perigæo, in ascensu jam fuisse atque adeò vix possibile ut in tantum superaret postea Solis locum quò posset deinceps vespertinus videri &, quod addimus, sub ingenti adeò magnitudine; multum verosimilitudinis inde isti accederet sententiæ. Verùm cum ipse Vir Doctissimus in priore sua epistola ex Observationibus suis prioribus oppositum jam judicaverit, de posterioris Observationis certitudine ipse dubitet, tandemque, tametsi in negativam aliquanto propensior, eundem illum Cometam aliquot post diebus vesperti comparere posse crediderit; in posteriore verò Romanas Observationes numeris tantùm rotundis conceptas fuisse fateatur, *in prædictis* deficientis haut levi indicio; in opinione mea tamdiu me, donec vi majori ab ea dimovear, illud maximè tenet, quòd, cum spes esset illum matutinum, ex more Planetarum celeriorum, ♃, ♀ & ☿, futurum esse deinceps vespertinum, cum ex illius motu proprio prius observato, circiter graduum, tempus etiam præterpropter hujus exortus heliaci fuisset definitum; quòd, inquam, circa id ipsum tempus quo expectabatur, vespertinus etiam nobis affulserit.

Comete-

Com^{ta}, proprio motu, uti prior ille, quamvis cum dolenone notabili in boream, versus ortum pergens, & quidem motu prioris illius motui apprimè respondente, & plus minus graduum, & talis quidem Cometa, cujus priori simillimus & inermi & armato oculo vultus, idem etiam caudæ color albicans (etsi vividior & majori mole propter ejus tum Solis tum Terræ respectu viciniam) ac sub finem apparitionis eadem quamproximè capitis caudæque facies longitudo, tenuitas &c. quæ in apparitione illa matutina, objecta sint. Et profectò casu ad stuporem, usque singulari debuisset accidere, ut eo tempore & loco, quo potuit ille prior intervallo 16 aut 18 circiter dierum heliacè rursus oriri, alius isto prorsus extincto & tam illustribus sub primum conspectum, & Perigæo vicinus, neque prius tamen ante Solem uspiam visus, compareret, atque adco (quod ex dictis faciliè consequitur) eodem cœli loco, eodem quasi die, Cometæ duo diversi, alter interiret, alter nasceretur.

IX. Denique, ut nihil dicamus de media illa Cometarum natura, quam supponere coactus est PETITVS, fortè ut umbram Cometæ, primordia caudæ obscuraturam, evitaret; illud etiam, quod caudarum quarundam incurvationem ipsarum ponderi ex tanta longitudine prævalenti adtribuit, non solum principiis Phycis minus consentaneum videtur, sed experientiam quoque manifestam sibi habet adversam; quandoquidem non deorsum semper, sed rursus aliquando incurvati Cometarum caudas, ex illo præsertim famoso anni 1618. didicimus, cujus caudam CYPARVS ad 7. usq; Decembris deorsum, inde verò ad 16. usque fere directam, deinceps sursum incurvatam spectavit.

X. Sicut igitur circa capitis Cometici originem HEVELIANA hypothesi palmam nobis auferre videtur, ita caudæ quoque illius incurvationis ex HEVELIO supra cap. III. n. X. allatæ plus habent verosimilitudinis: Et cum circulares lineas motui Cometarum, saltem aliquorum, ineptas ipse PETITVS jadicet, nec ellipticas admodum quadrate omnibus, exemplo uno alteroque a nobis ostensum sit; speciosius fortè cum eodem HEVELIO motum ipsis rectilincum aut curvilincum quidem, à rectitudine tamen nimium non discedentem, tribuerimus; maxime quod talis potius, quam in orbem rediens corporibus brevi interituris, qualia non caudas tantum sed ipsos quoque nucleos Cometarum esse primaria quædam Phænomena superius nobis persuaserunt, debere videatur.

XI. Et

XI. Et quamvis circa modum ipsum generandorum Cometarum excipere quis pro PETITO contra hypothefin HEVELII conaretur: Solares maculas non esse halitus aut fuligines à Solis corpore separatos, sed partes ipsius Solis aliquando non inflammatas ob defectum fortè materiæ jam consumptæ, deinceps verò, submisso novo pabulo, denuò accensas & vividiorè quoque flammâ instar facularum conspicuas, prout ipse quidem in allegata sæpius Dissert. p. 225. & seqq. prolixè & ingeniosè docet; non audet tamen is idem illam alteram hypothefin prorsus repudiare: quin duos ipsemet ejus explicandæ modos p. 218. & seqq. exponit, halitusque æthereos dari, è quibus cauda saltem Cometarum gigni possit, ex ipsis istis maculis probat p. 67. & obscuraciones illas Solis prodigiosas per aliquot dies continuos, circa Caroli Magni & Constantini, è Coprionymis ultimi tempora, spectatas iisdem maculis ante Solem aliquando congregari ac 13 aut 14 dies perseverare solitis adscribit p. 228. Et sanè, qui caudam nuperrimi nostri ingentem ex halitibus cœlestium corporum rarioribus constare credit, facile quidem persuadere sibi poterit, ejus caput aut stellam quoque, vix aliquot minorum diametro spectabilem ex iisdem generis effluviis paulò condensatioribus nasci potuisse, si maximè Solares maculas pro talibus excretionibus & fuliginosis ejusmodi nubibus, quales aliis multis cum HEVELIO videntur esse, non habeat.

XII. Neque etiam Motui Cometarum fermè rectilineo ab HEVELIO supposito illud obstat, quod PETITVS aliquoties inculcat suodq; & aliorum experimento probat, (pag. sc. 59. & 276.) calculum illum quò usus erat ipse post AVZVTVM & PRADIES Jesuitam, rectæ tangentis hypothefi nixum ab Observationibus ultimis notabiliter dissidere angulosque justo minores exhibere, nec extremam illam quorundam Cometarum retrogradationem explicare: hoc enim non omnem motum rectilineum aut rectilineum proximum statim destruit, sed specialem illam tangentium methodum solum reprobat, quam ipsemet HEVELIVS Lib. XI. Cometogr. p. 776. &c. tum ex iisdem causis, tum eo maximè nomine repudiat, quòd nodorum motum in cursu Cometico profus negligat, & Cometarum crescentes aut decrecentes à terra distantias indicare quidem valeat aliquo modo & confusiùs (ut sciatur e.g. hoc aut illo die futurum Cometam duplo aut triplo remotiorem quàm fuit in Perigæo) sed non determinare specialius; quin etiam, quàm enormiter ab Observationibus

bus

bus ille tangentium calculus, etiam ex methodo P. PARDIES institutus, diffidere soleat, exemplis pluribus ostendit p. 780. & seqq. non desperans tamen imposterum hujus methodi defectibus iri consultum (p. 783. & p. 786.) imò medicinam eidem facere per prosthaphæresin motus nodorum ipsemet jam conatus p. 787. & 789. nec absque successu.

XIII. Illa porrò à KEPLERO excogitata & ab HEVELIO exculpta Theoria, non tam prædicendis Cometarum motibus apta quàm observatis ritè per Trajectoriam incurvatam ita salvandis, ut non tantum longitudines & latitudines eorundem sed etiam distantia à terra determinatius inde innotescant, ut ingeniosa valdè est, ita quòd maximas etiam apparentium motuum enormitates, ut & stationes ac tetrogradationes quorundam Cometarum ad causas suas opticas scitè reducat, eo quoque nomine perplacet. Nec ejus facile quidquam displicere cuiquam posse credimus, nisi quòd motum terræ annuum cum illo rectilineo Cometarum non solum commisceat, sed etiam ex hoc illum tanquam ex effectu demonstrare nitatur: quamvis & huic malo suo sit medela ab iis ipsis Authoribus, KEPLERO nempe in *Hyperaspis* p. 195. & HEVELIO Cometogr. p. 399. indicata, à RICCIOLÒ quoque *Almag. N. Lib. VIII. cap. 26.* & NICOLAO CABEO lib. 1. *Meteor.* approbata, & à CYSATO in *Theoria Cometæ* 1618. in Trajectoria recta, quiescente interim tellure, translati actu ipso adhibita.

XIV. Nullibi plus occurrit difficultatis in tota hypothesi HEVELIANA quàm circa causam Cometas moventem: Illa namque rudimenti Cometici spiralis primùm intra Orbem Planetæ genitoris ascensus, & subsequens in auræ cœlestis amplissima spacia violenta per tractum rectilineum explosio, ut nihil dissimulemus, aliquantò *πλασμαλωδής* nobis videtur: Et sicuti disciformem illam figuram in hujusmodi concretionibus utiq; faciliùs admittit ratio quàm sphaericam, vel nubium nostrarum exemplo; ita causam aliquam assignatam ab HEVELIO velim quæ discum illum alterà sui facie planiore Solem semper ad perpendicularum cogat respicere: Neq; qualitates innatas, propensiones ad condensandum in effluviis cœlestium, præsertim solaribus; attractionem aut repetitionem materiæ homogeneæ in cujusque Planetæ orbe, similiaque nomina rebus destituta, allegasse sufficit eo loco quo causæ naturales effectuum, non earum ignotarum nomina, requiruntur: Nec illum satis resolvisse nodum

p. 385. videtur Viringeniosissimus, quem, alibi Cometicam materiam ex orbe nativo quasi violenter ejiciendo, alibi eandem in dissolvendis Cometis ad sphaeram quamque natalem iterum retrahendo, ipsemet sibi nexuit: Nec istud denique difficultate penitus omni caret, quod impetus à natali sphaera impressus & ab obvio primum copiosiore æthere non parum retardatus ac deinceps à pauciore quoque; porro tantillum perpetuò obtundendus, circa Solis perpendiculari tamen accelerari statuat, nullo in via novo accedente impetu.

XV. Equidem, si halitus illos æthereos à fluida cæli sphaera circa Solem tanquam centrum gyrante, unà cum Planetis ordinariis ipsi quasi innatantibus, circumvehi statueremus, non solum occasio ipsis coeundi daretur commodior, sed ratio motus adeò velocis (quem in tardissimis etiam intra minutum secundum sive impulsu unum octavam saltem milliaris Germanici partem, in velocissimis duo miliaria integra & amplius emetiri necessum est ex HEVELII hypothesi p. 702.) in corpore tam raro licet, faciliè constaret; quandoquidem spumam etiam in aquarum vorticibus rapidissimè gyrate sæpe vidimus: Neque mirum foret, cum in orbem rapiantur ab illo gyro cœlesti Planetici globi, Cometæ tamen discos nubiformes potius & magis planos ad motus rectitudinem magis inclinare, & in illa via ferè recta circa Solis perpendicularum h. e. in majori Solis ac centri vorticis illius vicinia aliquantò celerius incedere, cum propiores Soli Planetæ ♀ & ♀ notabiliter etiam celerius moveantur ac remotiores cæteri &c. hæc, inquam, & similia in hypothesi HEVELIANA speciosius multò explicari possent; nisi unà motus terræ annuus non admitti solum sed inde necessitate quadam à priori inferri deberet (in eodem enim fluido circa Solem ætheris vortice, qui Planetas omnes ab occasu in ortum dicto modo circumraperet, tellus nostra quasi medio loco occurreret, à Sole quippe minùs ac ♄, ♃, & ♀, magis autem quàm ♀ & ♀ distans, ita necessario unà circumvehenda) ac præterea, illo quoque telluris motu admissio, maxima tamen urgeret difficultas ex parte Cometarum illorum, qui contra succellionem signorum, adeoque contra vorticis illius fluxum, adverso planè itinere incesserunt. Quæ quidem difficultas uti Cartesianis multum facessit negotii, qui Cometæ tamen pro solidis habent cœli globis; ita hypothesi HEVELIANÆ ea quoque effugia quasi præscindere videtur, quibus isti, & nominatim ABRAHAMVS DE GRAU Matheseos in alina Frisiorum Acad. Prof. in epist. ad LYBIENITZIVM

Tom.

Tom. 1. Com et. Theatr. p. 501. & seqq. aliquam huic malo *facere* medicinam conati sunt.

XVI; Quod si econtrà, motu terræ omni denegato, communem pariter & proprium, uti stellis cæteris ita Cometis quoque velimus adtribuere, in alias incidimus de rapiditate motus incomprehensibiliter velocis, neque circularis & æquabilis, sed helici formis ac multum inæqualis, per ætheris quidem universi generalem ab ortu in occasum gyrationem divinitus olim impressam aliquo modo leniendas, sed ex animo curiosiore vix unquam penitus evellendas. Verùm enim verò hæc difficultates communes sunt hypothelibus de astorum ordinariorum motu, non huic de Cometarum Trajectione propriæ, nisi quod horum substantia rarior, caudarum præsertim summa tenuitas, & consequens inde ad motum adeò rapidum ineptitudo (quam vehementer urget PETITVS p. 30, 307. & seqq. utrobique) illas haut parùm auget. Attamen, si non tam per se quàm cum ætheris quodam vortice moveri statuatur, salva rursus res videtur ac illud insuper non absque ratione fortè credendum, uti ex caudæ comæque non ita cohærente substantia subinde quippiam, tum solarium impulsu tum rapido illo motu, absumitur; ita vicissim inter eundem ex occurrentibus effluviis aliis eadem difficultate quadam ætheris illum raptum haut satis assequentibus, illum defectum iterum reparari &c.

XXII. Summatim igitur ut rem dicamus, quando plura chartæ hujus angustia non permittit, ex dictis elucet; nondum equidem plenam nos & absolutam habere rei Cometicæ scientiam (& quid mirum cum circa Planetas ordinariorum multa sint etiamnũ Astronomiæ ferè inexplicabilia?) at multò propius tamen abesse nos à vero quàm fuere majores nostri: Plurima nunc patere olim abscondita, atque adeo sperare nos eò confidentius posse, quod suo jam ævo non desperavit SENECA, *fore qui demonstret aliquando, in quibus Cometa partibus errent: cur tam seducti à cæteris eant, quanti, qualesq. sint* &c. magnam quippe partem satis nota hodie & comperta: Neq; adeò causam ullam esse cur è rerũ naturalium ordine, tot præsertim circumstantiis contrarium suadentibus, exturbentur hæc Phænomena, tametsi plurimam causæ nondum evidentius exponi hæctenus potuerint aut certius, quàm vel tonitruum vel ætus marini aliorumque similium rationes, quæ rebus tamen naturalibus accensenda nullo non ævo Sapientes crediderunt.

Additamentum.

Multò plura potuissent circa utramque Hypothesin adnotari, quæ vel defectus earundem explicassent uberius, vel istis sup-
plendis aliquid quæsiuissent remedii, nisi parcendum chartæ fuisset
& sumptibus. Et cum tamen præter opinionem hæc ultima vacatura
esset pagella, ad num. XV. hoc tantum addere non erit inutile: Dif-
ficultatem illam de quibusdam Cometis in antecedentia sive contra
successionem signorum motis, haut parum leniri per similes ali-
quando Planetarum ordinariorum retrogradationes; cum indubi-
um sit, quod tunc g. quovis biennio, 4 post menslem quemque deci-
mum tertium, h. etiam minori temporis intervallo, directum alias
ab occasu in orientem ordinariè cursum, in oppositum rursus & oc-
cidentem versus convertere, eamque suam retrogradationem ultra
duos, tres, quatuor menses continuare, antequàm vertere de novo
gradum ad directi rursus incedere occipiant. Quamobrem, cum illi
quoque Cometæ, qui retrogradi toto fere durationis tempore inces-
serunt, sub finem apparitionis plerumque gressus suos, in partes con-
trarias dirigere deprehendantur, prout exemplis aliquot in Phœn.
XXXII. evicimus, haut immeritò fortè putaret aliquis, eodem mo-
do quo Planetarum illæ retrogradationes ordinariæ in Hypothesi
Copernicana per annum Telluris motum scitè admodum excu-
santur & apparentiis meris, lusu quodam optico mentem judican-
tem decipientibus, accensentur; ita Cometarum etiam quorundam
retrogrados in occidentem excursus tales saltem apparere ob Terræ
cum ipsis reverà in ortum, sed celerius, excurrente eosque adeò à ter-
go relinquente. Dissimulari tamen non debet, ne sic quidem, etiam
concesso Telluris motu, sublatam esse omnem difficultatē, ideo
quod Cometarum retrogradationes illæ ad majora coeli spatia se ex-
tendant, quàm ut illa causa, quæ Planetas ordinarios ad 10. aut 13.
forte gradus usque retrogrados exhibeat, illis excusandis suffi-
ciat: id quod Copernicanis, in quorum gratiam hæc unice
dicta sunt, expendendum porro relin-
quimus.

F I N I S.